

Akabonero Akasooka
Jeffersonville, Indiana, USA
Maaci 18, 1963

1 Tukotekoko ku mitwe gyaffe kaakati tusabe. Kitaffe ow'omu Ggulu, tukwebaza leero olwa kino, omukisa guno omulala okujja okukusinza. Tukwebaza kubanga tuli balamu era n'olw'okubeera n'okubikkulirwa kuno okunene okw'Obulamu Obutaggwaawo obuli mu ffe.

Era tujja, leero, Kitaffe, okuyiga Ekigambo Kyo, nga tuli wamu, ebyama bino eby'ekitalo ebikwekedwa ebyakwekebwaa okuva ku ntandikwa y'ensi, era Omwana gw'Endiga ye yekka Ayinza okukitubikkulira. Nsaba nti Ye Anajja mu ffe, leero, era Anaatoola ku Kigambo Kye, Akitubikkulire, tusobole okumanya okubeera abawereza abasinga obulungi gy'Ali, mu kiseera kino eky'enkomerero. Ayi Katonda, nga bwe tulaba nti tuli mu kiseera ekisembayo, Mukama, tuyambe okumanya ekifo kyaffe, n'obunafu bw'obulamu bwaffe, era n'obukakafu bw'okujja kwa Mukama, okuli okumpi. Tukisaba mu Linnya lya Yesu. Amiina.

Nzikiriza nti yali Dawudi, eyagamba, "Nasanyuka bwe banngamba, nti tugende mu nnyumba ya Mukama." Bulijjo kya mukisa munene okujja. Kati— era okuyigira awamu, Ekigambo, kituwa essuubi lino ery'ekitalo.

2 Kaakati waliwo bangi abayimiridde, era nngenda kuyita mu bwangu nga bwe kisoboka. Naye nsuubira nti musanyukidde okubeerawo kw'Omwoyo Omutukuvu nga nange, mu biseera bitono ebiyise. [Ekibiina kiddamu, "Amiina." — Omuk.] Era, olwaleero, mbadde n'ekintu eky'okubeerawo kye mbadde sinnafuna okumala ebbanga ddene. Mbadde njiga, ku kubikkulirwa kuno wano, ku kubembula kw'akabonero.

Emyaka egiyise nakiyitamu wano, ndowooza, emyaka nga abiri egiyise, oba bwe kityo, naye olw'ensonga emu oba endala ssaamatirira ddala. Kyalinga awaaliwo ebintu, naddala mu Bubonero buno, kubanga obubonero obwo kye Kitabo kyonna mu bulamba. Olaba? Kye kitabo. Ekitabo kyonna kiri kimu, nga kisibiddwa. Kitandika . . .

3 Eky'okulabirako, singa mbadde n'ekintu wano, nandibalaze kye ntegeeza. [Ow'oluganda Branham annyonnyola enzinga n'ensiba y'omuzingo, nga yeeyambisa emiko gy'empapula — Omuk.] Akabonero akamu kaakano. Ako kamu, era n'okazingako bw'oti, mu ngeri gye kaazingibwa. Era n'okazingako mu ngeri eno. Kati, ku nkomerero, eriyo akatundu akayitamu, bwe katyo. Ako ke Kabonero Akasooka. Kale, olwo, ekyo kye kitundu ekisooka eky'Ekitabo. Ate, akabonero akaddirira kazingibwako mu ngeri eno, ku mabbali gaako, wennyini era ne kazingibwa bwe kati nga wano, era olwo ku nkomerero, wano wennyini, waliwo akalala akayitamu. Kaba kategeeza, Obubonero bubiri. Kati eyo y'engeri Bayibuli yonna gye yawandikibwamu, mu mizingo. [Ow'oluganda Branham azingulula emiko gy'empapula gy'abadde yeeyambisa okunnyonnyola — Omuk.] Kale, n'olw'ekyo, okubembula Obubonero buno, kibikkula ebyama by'Ekitabo.

4 Mwayize ku Yeremiya, engeri gye yakiwandiika, bangi ku mmwe mwakiwandiise eggulo? Engeri obubonero buno gye bwawandiikibwa ne bwawulibwa, mu kubutereka, okutuusa lwe yakomawo oluvannyuma lw'emyaka nsanvu, egy'obusibe. Yazzibwa n'abanja ebintu bye.

Mazima ddala nnayagadde okukiyigako. Tosobola . . . Tewali ngeri ya kukinnyonnyola kyonna, kubanga kye Kigambo Ekitaggwaawo. Kye Kitabo eky'olubeerera, n'olw'ekyo kye tulina okukola kwe kugezaako okukwata ku bikulu. Kati leero, mu kuyiga, mpandiise Ebyawandiikibwa bingi musobole okukiyigako. Ate era . . . N'entambi zija kukibikkula ekimala, nga bwe muyiga. Era mulimu ebintu bingi nnyo!

5 Singa mbadde nsobola okuyimirira wano ku kituuti Ekintu Ekyo okukbabikkulira mu ngeri gye Kimbikkuliddwa mu kisenge, abange, kyandibadde kiyitirivu. Naye, bw'otuuka wano, onyigirizibwa, era oba nga agenda abuuka ebintu, olwo n'ogezaako okuwa abantu ebikulu byokka basobole ekintu ekyo okukiraba.

6 Awatali kubuusabuusa njagadde nnyo oluyimba olwo ow'oluganda Ungren lwe yaakayimba; Yakka Okuva Mu Kitiibwa Kye. Singa teyakka kuva mu Kitiibwa Kye, leero ffenna twandibadde wa? N'olw'ekyo twebaza nti Yakka okutuyamba.

7 Kati, nga bangi bayimiridde, tujja kuba nga tukiyitamu mu bwangu, wano, nga — bwe tusobola. Sigamba, nti tujja kwanguiriza tumaleko, naye kye ntegeeza tujja kutandika mangu nga bwe kiyinzika.

Era kaakano, ka tubikkule, oluvannyuma Iwa . . . Eggulo twamaze essuula esooka, eyookubiri, eyookusatu, n'eyookuna. Era n'eyookutaano. Kati leero tutandika essuula eyoomukaaga ey'Okubikkulirwa. Kati, nga tuyiga essuula eno, tujuliza ebifo eby'enjawulo, mu Ndagaano Enkadde ne mu Ndagaano Empya, mu ngeri y'emu, kubanga Ekitabo kyonna kwe kubikkulirwa kwa Yesu Kristo. Mulaba? Ky'ekyo kyonna awamu Okubikkulirwa kwa — kwa Mukama Yesu, okubikkulirwa kwa Yesu Kristo. Ye Katonda, nga Yeebikkulira mu Kitabo; nga Yeebikkula, okuyita mu Kristo, mu kitabo.

Kati Kristo kw ekubikkulirwa kwa Katonda. Yajja kulaga Katonda, kubanga Ye ne Katonda, baali omu. "Katonda Yali mu Kristo, nga Atabaganya ensi wamu naye." Mu ngeri endala, tewandisobodde kumanyira ddala Katonda ky'Ali okuggyako nga Yeebikkulidde mu Kristo; olwo n'osobola okulaba. Nalowoozanga, emyaka egiyise, nti oba oli awo Katonda Yannyigira, ate Kristo n'Anjagala. Nakizuula nti, buli Muntu y'Omú, olaba. Kristo gwe mutima gwa Katonda gwennyini.

8 Ate kati nga tuyiga kino, kati tukigeraageranya. Ebitabo ebisatu ebisooka ebya Bayibuli, eby'Okubikkulirwa, eyo gye tuyiseemu nga tugisunsula bulungi, gye mirembe gye kkanisa, e— emirembe Omusanvu egy'Ekkanisa. Kati waliwo emirembe musanvu egy'ekkanisa, Obubonero musanvu, amakondeere musanvu era n'ebibya, ne — era n'emizimu emibi egiringa ebikere, era bino byonna bigendera wamu. Abange, nga nandyagadde okuba ne e — mmaapu ennene ey'ekitalo, omanyi, nandikikubye kuli okugibunya yonna, engeri gye nkirabamu, ddala engeri buli kimu gye kyetondeka mu kifo kyakyo. Nakikubye ku kapapula katono, naye nze . . . mumanyi. Buli kintu, okutwaliza awamu, kigyawo bulungi. Ate ku biseera n'emyaka, nga bwe giddirinnganye, na buli kimu bikwataganidde ddala bulungi.

Kale, kiyinza obutaba kituufu kyonna okutwaliza awamu, mu buli ngeri bwe ntyo bwe nkimanyi. Era mmanyi, singa —singa nkola nga bwe nsobola, era ne nkola ensobi mu kugezaako okukola kye nsobola, era ekisingayo obulungi kye mmanyiko, nti Katonda awatali kubuuusabuusa Alinsonyiwa olw'okukola . . . olw'ensobi oba nkoze ekikyamu.

9 Kati ebitabo ebyo ebisatu ebisooka, gye mirembe omusanvu egy'ekkanisa. Kati olwo ne tukisanga, nti mu ssuula eyookuna ey'Okubikkulirwa, Yokaana asitulibwa. Olaba? Amakanisa tugalaba. Tewaliwo bingi biyitiridde ebyogeddwaa ku mirembe gye kkanisa. Awo we ndowooza nti abantu bangi bajja kwewuunya. Bo — ba — ekkanisa bagiteekera ddala eri mubibonyoobonyo, mu bintu ebyo byonna ebyokubaawo. Era nga bwe nnagambye, ku Ssande, eggulo: ky'olina okusooka okumanya, ebibonyoobonyo ebyo birijja, era mulyewuunya Iwaki tewaalivo e . . . okujja okwasooka kwe kwali Okukwakkulibwa. Era birisigala nga bwe biri: kwabaawo ne mutakumanya. Olaba? Kati, teriiyo bingi nnyo bisuubizibwa kkanisa eyo, ekkanisa eyo ey'Abaamawanga, Omugole.

10 Kaakano, njagala mujjukire, waliwo ekkanisa n'Omugole. Mulaba? Bulijo oteekwa kubiddukanyiza mu bisatu; ebina bikyamu. Bisatu! Essatu, emisanvu, ekkumi, ekkumi-n'ebbir, abiri-mu-enya, ana, n'ataano, emiwendo ego egitali mikutulemu. Bayibuli kye . . . era Katonda Addukanyiza Obubaka Bwe mu — mu mi . . . emiwendo gya Bayibuli, mukubala okwo. Bw'ofuna ekintu ekitakwatagana n'egimu ku miwendo ego, osaanye okyekkaanye. Ekikivaamu, ekikiddirira tekijja kuba kituufu. Oteekwa okukiddizaayo ddala emabega wano w'otandikira.

11 Ow'oluganda Vayle, Ow'oluganda Lee Vayle ye — ye. . . Ndowooza ali wano. Jjuuzi twali twogera ku bantu abo abava ku mugendo. Kifaananako nga okukuba sabbaawa. Emmundu eyo bw'eba nga ntereelu bulungi, agikuba nga mutendeke era ng'alaba bulungi, eteekwa okukuba n'eteeba; okuggyako nga omudumu guwunjuka, oba okwenyeenya, oba nga gukankanye ne gugiwabya, era buli . . . oba okuwugulwa kw'empewo. Buli Iwetandika okuwaba, waliwo eky'okukola kimu kyokka, kuddayo mabega awo we yawabidde, oddemu nate, bw'oba onaateebea. Bwe etateebea, Iwa kuba, tesobola busobozi kuteeba.

12 Era nzikiriza, eyo ye ngeri y'okuyigamu Ebyawandiikibwa. Bwe tulaba nga tutandise ekintu wano, ne kitavaamu kituufu, olaba, tuba tulina we tukoze ensobi, era oba olini okuddayo emabega. Toyinza kukizuula na magezi go. Ekyo si kya . . . Twakakizuula, nga tukozesa Ebyawandiikibwa, nti tewali muntu yenna mu Ggulu, oba mu nsi, oba wansi w'ensi, oba eyaliwo, oba alibeerawo, ekyo asobola okukikola. Omwana gw'Endiga yekka y'Asobola okukikola. N'olw'ekyo, Seminaaliyo bye yeegamba bya bwereere, ka kibe kiki, kya butaliimu. Olaba?

Kyetaagisa Omwana gw'Endiga okukibikkula, Ky'ekyo, kale twesiga nti Ye Ajja kutuyamba.

13 Yokaana, mu ssuula eyookuna, yasitulibwa, okulaba ebintu "eyaliwo, ebiriwo, n'ebiribaawo." Naye Ekkanisa ekoma ku ssuula ya kuna. Awo Kristo n'Atwala Ekkanisa, Agitwala mu bbanga okumusisinkana, era teddamu kulabika nate okutuusa mu ssuula ey'ekkumi-n'omwenda, mwakomerawo na . . . nga Kabaka wa bakabaka era Mukama w'Abaami, ng'Ali n'Ekkanisa. Era kati, oh, nsuubidde olunaku lumu tulisobola okukiyitamu kyonna, oba oli awo nga tannakomawo. Bwe tutakikola, era mu ngeri endala, tulikiraba, n'olw'ekyo tekirina mutawaana.

14 Kati, mu ssuula eno eyookutaano, kwe kubembula Obubonero buno, era nga kati ky'Ekitabo ekisibiddwa Obubonero Omusanvu. Okusooka, twagala okusoma Akabonero Akasooka.

Jjo olweggulo, okubaako we tukyesigama akatonotono tukiraba, nti, Yokaana bwe yatunula n'alaba Ekitabo, nga kikyali mu mikono gya Nnanyini eyasooka, Katonda. Mujukira engeri gye kyabulamu? Adamu ye yakibuza. Yafiirwa Ekitabo ky'Obulamu, olw'amagezi ga Setaani, n'afirwa obusika bwe, Yafiirwa buli kintu; ate nga teri kkubo lya kununulibwa. Olwo, Katonda, ng'Ali mu kifaananyi ky'omuntu, Yakka, n'Abeera Omununuzi gye tuli, okutununula.

15 Era kati tukizuula nti, mu nnaku ezaayita, ebintu bino ebyali ebyama byakutubikkulirwa mu nnaku ez'oluvannyuma.

Kati era, tukiraba, ne mu kino, nti, amangu ddala nga Yokaana awulidde okulangirira kuno okwa — okw'Omumunuzi ow'omu Lulyo okujja okubanja ebintu Bye, tewaali muntu n'omu yali asobola kukikola. Tewaali muntu mu Ggulu, tewaali muntu mu nsi, tewaali muntu wansi w'ensi. Tewaali n'omu yali asaanidde wadde okutunula ku Kitabo. Kati lowooza ku ekyo. Tewali muntu yenna, n'akatono, asaanidde wadde okukitunulako. Kati Yokaana kwe kutandika okukaaba. Yamanya nti, oh, olwo tewaaliwo mukisa gwonna gwa bununuizi.

Buli kimu kyali kigudde. Era amangu ddala tukiraba nti okukaaba, mangu ddala, kubanga ekimu ku biramu ebina kyalangirira, oba, manyanga abakadde. Omu ku —ku bakadde yagamba, "Yokaana, tokaaba, kubanga Empologoma y'ekika kya Yuda ewangudde," Amakulu nti, "awangudde, era awambye."

16 Yokaana, mu kukyuka, yalaba Mwana gwa Ndiga nga y'Avaayo. Ateekwa okuba nga yali Abunye omusaayi ng'Asaliddwa era ng'Afumitiddwa. Yali Attiddwa, e . . . Yagamba, nti, "Omwana gw'Endiga Oyo eyali attiddwa." Nti, era, yali Akyaliko omusaayi; oba wasalako ku mwana gw'endiga n'o — n'ogutta mu buli ngeri, Omwana gw'Endiga Oyo bwe yali. Yatemebwatemebewa ku musaalaba, amafumu mu mbiriizi, emisumaali mu bibatu ne mu bigere, n'amaggwa mu bisige. Yali mu mbeera eyennyamiza. Kati Omwana gw'Endiga Ono yavaayo n'ajja eri Eyali Atudde ku Nnamulondo Eyali Akutte Ekyapa kyonna ekijjuvu eky'Obununuzi. Era Omwana gw'Endiga n'agenda n'Atoola Ekitabo okuva mu mukono gw'Oyo atudde ku Nnamulondo, era n'Akwata n'Abembula Obubonero era n'Abikkula Ekitabo.

Kati olwo ekyo bwe kyabaawo, tulaba wateekwa okuba nti wajjavo ekintu eky'ekitalo mu Ggulu, kubanga abakadde n'abakadde amakumi abiri mu-àvana, ebiramu na buli kintu mu Ggulu byaleekaana, "Osaanidde", era wano Bamalayika bajja ne bafuka ebibya by'essaala z'abatukuvu. Abatukuvu wansi w'ekyoto baaleekaana, "Osaanidde Ggwe, Ayi Omwana gw'Endiga, kubanga Otununudde, era kaakati Otufudde bakabaka ne bakabona, era tujja kufuga ku nsi." Oh, abange! Era bwe kityo bwe kiri bwe Yabikkula Ekitabo ekyo.

17 Olaba, mazima Ekitabo kyateekebwateekebwa era ne kiwandiikibwa nga n'emisingi gy'ensi teginnabaawo. Ekitabo kino, Bayibuli, mu butuufu yawandiikibwa nga n'emisingi gy'ensi teginnabaawo. Era Kristo, ng'Omwana gw'Endiga, yattibwa ng'emisingi gy'ensi teginnabaawo. Era a— abo abali mu Omugole We, amannya gaabwe gaatekebwa mu Kitabo eky'Obulamu eky'Omwanan gw'Endiga ng'emisingi gy'ensi teginnabaawo. Naye, kibadde kisibiddwako, era kati kibikkuddwa; amannya g'abo abali omwo, byonna ebibakwatako, era kintu kya kitalo. Kati Yokaana, ekyo bwe yakiraba, ye —yagamba, "Buli kimu mu Ggulu, buli kimu wansi w'ensi . . ." "Buli kintu kyamuwlira ng'agamba, "Amiina, Ekitiibwa, n'ettendo!" Yali ddala mu kaseera kalungi, era, kubanga, "Omwana gw'Eddiga yali Asaanidde."

18 Era kati Omwana gw'Endiga Ayimiridde. Kati, leero, nga tuyingira mu ssuula eno eyoomukaaga, Alina Ekitabo mu mikono Gye, era Atandika okukibikkula. Era, oh, olwaleero nandibeeredde ddala . . . Nsuubira nti abantu ba mwoyo. Nandibadde nkikolako ensobi nnene, naye, essaawa zibadde nga mukaaga olwaleero, Omwoyo Omutukuvu Yazze mu kisenge era n'Angolola ku kintu kye nabadde ntegeka okwogera.

Nabadde nkiggya mu byawandiikibwa eby'edda. Saabadeeko kye nkimanyiiko. Simanyi Kabonero kakubiri kye kategeeza, n'akamu kati. Naye nina ebiwandiiko eby'edda ku bintu bye nayogerako emyaka mitono egiyise, era nabiwandiika. Ate byonna ne mbikunngaanya wamu, nga mbiggya mu bya Dr. Smith, n'abasomesa bangi, ab'amaanyi abatutumufu be na — gye nnabiggya. Era bonna bakkiriza batyo, n'olw'ekyo nakiwandiika. Nali ntegeka okugamba, "Kale, kaakati nja kukiyyiga nga neesigamye ku nsonga eyo." Kati awo, nga ku ssaawa mukaaga ogw'emisana, Omwoyo Omutukuvu amangu ago Yazze mu kisenge, ekintu kyonna ne kimbikkulirwa, era ky'ekyo, olaba, ekya — eky'Akabonero kano Akasooka nga kabikkulwa.

19 Nkakasiza ddala nga bwennyimiridde wano leero, nti gano ge Mazima g'Enjiri gye nngenda okwogera wano. Nze — mmannyi nti bwe kiri. Kubanga, singa okubikkulirwa kukontana n'Ekgambo, olwo tekuba kubikkulirwa. Era, omanyi, waliwo ebintu ebimu ebirabika nga bituufu ddala, so nga si bwe kiri. Olaba? Kifaanana nga kyo, naye nga si kyo.

20 Kaakati, tulaba, ng'Omwana gw'Endiga Alina Ekitabo, kati. Era wano mu ssuula eyoomukaaga tusoma:

Ne ndaba Omwana gw'endiga bwe yabembula ku bubonero omusantu ko akamu, ne mpulira, ekimu ku biramu ebina nga kyogera, ng'eddoboozi ery'okubwatuka nti, Jjangu olabe.

Ne ndaba, era laba embalaasi enjeru: n'oyo eyali atuddeko ng'alina omutego; n'aweebwa engule: n'agenda nga awangula, era awangule.

21 Kati, ako ke Kabonero Akasooka. Ako ke tugendako, olw'ekisa kya Katonda, tukannyonnyole leero.

Mu ngeri esinga obulungi . . Era nkiraba nti, omuntu okugezaako ekyo okukinnonyonyola, ekyo, kuba kwesuala mu katyabaga singa oba tomanyi ky'okola. Mukiraba?

N'olw'ekyo bwe kinzijira olw'okubikkulirwa, nja kubabuulira. Oba nkifunye Iwa ndowooza yange, olwo nja — ekyo nja kukibagamba nga sinnakyoyerako. Naye nkkakasiza ddala, nga bwennyimiridde wano leero, nti kizze gyendi, nga kipyia olwaleero, okuva eri Omuyinza wa byonna. Si nkola yange kumala googera bintu bwe ntyo, bwe kiba ngakikwata ku kitundu kino eky'Ebyawandiikibwa. Nze ndi. Nsuubira mumanyi kye njogerako kati, mukiraba. Kaakati, omanyi, toyinza kwogera bintu Singa wabaawo ekintu ekirina okubaawo wano nga tekinnabaawo, ggwe tosobola kukyoyerako okutuusa Iwe wabaawo ekikiteekawo awo. Mukiraba? Musoma? Muliko kye muwuliriza?

22 Kati, Omuzingo gw'Ekitabo, eky'Obubonero Omusanvu, kaakati gubembulwa Omwana gw'Endiga. Tusemberera ekifo ekyo leero. Katonda, Atubeere. Obubonero nga bubembulwa era nga busumululwa, ebyama ebiri mu Kitabo bibikkulwa. Kati, mulaba, Kino Kitabo ekisibeko. Kati, ekyo tukikkiriza. Si bwe kiri? [Ekibiina kiddamu, "Amiina."— Omuk.] Tukkiriza nti Ekitabo kikyali kisibeko n'envumbo. Kaakati, mu kusooka kino twali tetukimanyi, naye bwe kiri. Kisibiddwa n'Obubonero Musanvu. Kwe kugamba, ku ngulu ku Kitabo, Ekitabo kisibiddwako Obubonero Musanvu

23 Bwe tuba twogera ku kitabo eky'engeri eno, kyandibadde nga addira akakoba n'okisiba, enkoba musanvu. [Ow'oluganda Branham alaga ekitabo ng'annyonyonyola — Omuk.] Naye si ky'ekitabo eky'ekika kino. Guba mzingo. Olwo omuzingo bwe guzingululwa, ogwo gumu; ate munda waagwo mulimu omuzingo ogwokubiri. Era wano wennyini kyogera ekyo kye kiri, naye kyama. Naye, ffe, tukitunuddemu; naye, mujjukire, Ekitabo kisibeko, era Ekitabo ky'ekitabo ky'ekyama, eky'okubikkulirwa. Kwe kubikkulirwa kwa Yesu Kristo, mulaba, Ekitabo ky'okubikkulirwa. Era kati mumanyi, okuyita mu mirembe, abantu bateganye era bagezezaako okukinoonyereza. Ffenna twagezaako.

24 Ate, era..

Lumu, nzijkira.. Singa mwami Bohanon abaddewo, oba abamu ku bantu be, nze — sigenderera kuvuma. Mwami Bohanon mukwano gwange wa nnamaddala, era ye yali alabirira emirimu gyavumenti (Public Service) nga nkyakolayo. Bwe nali naakalokoka, nali mmubuulirako ku kusoma mu kitabo ky'Okubikkulirwa. N'agamba, "Nagezaako okusoma ekintu ekyo," bwe yagamba. Era mwami Bohanon yali musajja mulungi, era nga yali mukkiriza mu kkanisa. Era kati simanyidde ddala yali wa nzikiriza ki, naye yagamba, "Ndowooza Yokaana atekwa okuba nga yalya kaamulali omumyufu eky'eggulo ekyo ne yeebakira ku mukkuto ogwo.

25 Namugamba, newankubadde kyandinviiriddeko okufiirwa omulimu gwange, nti, "Ekyo tokwatibwa nsonyi kukyogera? So nga nnali nkyali mulenzi. Naye nagamba, "Ekyo tolina nsonyi kukyogera ku Kigambo kya Katonda?" olaba? So nga, nali nkyali muto nnyo, nga sinnaba na kutuusa . . . oba oli awo emyaka abiri-mu-gumu, abiri-mu-ebiri egypt'obukulu; ate nga emirimu gyali tegirabika, ate nga kye kyali ekiseera eky'ebbuli ly'ebantu n'ensimbi mu nsi yonna. Naye, era, muli natyanga, bwe na . . . okuvvoola, nawuliranga olulimi lwonna oluvvoola Ekipambo kya Katonda. Kyo ge Mazima; Mazima meereere.

N'olw'ekyo, tekyali kirooto oba ekirooto ektiisa; tekyali ekyo Yokaana kye yalya. Yali ku kizinga Patumo kubanga yagezaako okuwandiika Ekipambo kya Katonda mu kitabo, n'awanngangusibwa eyo gavumenti ya Rooma. Era yali ku kizinga, ku Lunaku Iwa Mukama. N'awulira eddoboobi ennyuma we Eddoboobi ery'amazzi amangi, n'akyuka okulaba, era n'alaba ebikondo by'ettabaaza eza zaabu omusanvu. Kati, wakati mu byo, nga wayimiridde Omwana wa Katonda.

26 Kati, olwo, Ekitabo kwe kubikkulirwa. N'olw'ekyo, okubikkulirwa kye kintu ekimanyibwa olw'ekintu, ekintu ekyo ekibikkuliddwa. Era kati, weetegereze, oleme kukyerabira, "kisibiddwako okutuusa mu biseera egypt'oluvannyuma." Olaba? Ekyama kyakyo kyonna "kisibiddwako okutuusa mu biseera egypt'oluvannyuma." Ekyo tukisanga wano mu Byawandiikibwa.

27 Kaakati, ebyama by'Ekitabo bibikkuddwa Obubonero bwe bubembulwa. Era Obubonero bwe bumalira ddala okubembulibwa, ekiseera eky'okununulibwa kiba kiweddeko; kubanga Omwana gw'Endiga Avudde mu kaguli ak'okuwolereza, okugenda okubanja Ebibye. Ye Mutabaganya, wakati w'ekyo. Naye okubikkulwa kwennyini bwe kujja ku Bubonero, nga butandika okubembuka, Omwana gw'Endiga Avaayo awatukuvu. Ekipambo bwe kityo bwe kiri. Twakisomye eggulo. Yava wa . . . yava wakati, n'atwala Ekitabo, n'olw'ekyo, Takyali Mutabaganya nate. Kubanga, n'okumuyita baamuyita Mpologoma, era ekyo — oyo ye Kabaka, kati olwo Aba takyali Mutabaganya.

28 Newankubadde, abalaga Obubonero buno basookera ku mulembe gw'ekkanisa ogwasooka. Kati mujjukire, n'olw'ekyo mu — mulyoke mufune bulungi ddala entandikwa yaakyo, oba tusobola, oba mu kwekenneenya okusingako. Abo "abalaga," nja kukiyyita bwe ntyo kubanga — omulazi (omuzannyi) y'oyo akyusa obukookolo. Mulaba?

Era mu kitundu kino, leero, tujja kulaba nti Setaani y'akyusa akakookolo ke. Kati, bona, bazannyi.

Kristo, ng'Alaga ekitundu kye Yakola, bwe Yava mu Mwoyo n'Afuuka omuntu, Yateekako buteesi kyambalo kya muzannyi, omubiri gw'omuntu, n'Akka mukifaananyi ky'omuntu, Asobole okuba Omununuizi ow'omu lulyo.

29 Kati, laba, ngeri ya muzannyi yokka. Eyo y'ensonga Iwaki ebyo byonna biri mu ngero ate nga . . . era engeri gye birimu wano, ng'ebiramu, ebisolo, n'ebirala. Kiri mu kitundu ekiragiddwa. Kati bano abazannyi batandikira mu mulembe gw'ekkanisa ogwasooka, kubanga Yali Kristo nga Yeebikkula eri emirembe omusanvu egy'ekkanisa. Kati ekyo mukitegeera? [Ekibiina, "Amiina." — Omuk.] Kale. Olaba? Kristo nga Yeebikkula eri emirembe omusanvu egy'ekkanisa. Olwo, okuyita mu mirembe gino egy'ekkanisa, wajjavo omuvuyo ogw'amaanyi. Kati olwo, ku nkomerero y'emirembe gy'ekkanisa, Obubaka bwa Malayika Owoomusanvu buggyayo ebyama bino ebyabula bubibe Ekklesia. Mulaba? Kale ekyo tuja kukiraba.

30 Naye olwo tebinnabikkulwa mu mbeera yaabyo entuuufu. Kati, mu biseera bya Bayibuli, ebyama byaliwo, era ebintu bino baabiraba nga bigenda mu maaso nga Yokaana bwe yabiraba wano. Kati n'agamba, "Waliwo eyeebagadde embalaasi enjeru." Naye, ekyama ku kino, kiri nti waliwo ekyama ekigenda n'omwebagazi oyo. Kati, kyali ki, tebaakimanya, naye kyakubikkulwa. Naye kya kubikkulwa nga Omwana gw'Endiga Avudde ku Nnamulondo ya Kitaffe, ey'okuwolereza kwe nga Omununuizi ow'omu lulyo.

31 Waliwo akantu katono ke nngenda okuyingizaamu wano. Kati, omuntu yenna bw'afuna entambi zino. . . Buli omu ayinza okwogera kyonna ky'ayagala. Alina eddembe ku kyonna ky'awulira mundaaye. Naye singa . . . Omanyi, oba omuweereza kino takyagala mu bantu be, mugambe aleme kikitwala. Naye nze — nze . . . Kino kya bantu abo gye natumibwa okubuulira, n'olw'ekyo nteekwa okubikkula Amazima kiki kye gali. Olaba?

32 Kati, Omwana gw'Endiga, wano mu kiseera eky'okuwolereza, Yamanya nti mwalimu amannya omwo, agaali gateekeddwanu okuvira ku ntandikwa y'ensi. Kati amannya ago bwe gaba nga tegannaba kwolekebwa ku nsi, Yalina okusigala awo nga Omuwolereza. Ekyo mukifunye? [Ekibiina kiddamu, "Amiina." — Omuk.] Abo abaayawuliba, ddala! Mulaba?

Kale. Yateekwa okusigalayo, kubanga Yajja kufiirira abo Katonda be Yategekera Obulamu Obutaggwaawo. Olaba? Olaba? Olw'okumanyirawo Kwe, Yabalaba. Si Iwa kwagala Kwe; okwagala Kwe kwali nti waleme kubaawo n'omu azikirira. Naye okumanyirawo Kwe Yamanya ani alirokoka era ani atalirokoka.

N'olw'ekyo, kasita waba nga wakyaliwo erinnya eritannaba kulangirira — kulangirira ku nsi, Kristo Yateekwa okusigalawo nga Omuwolereza, okulabirira erinnya eryo. Naye amangu ddala ng'erinnya eryo erisembayo limaze okusuulibwa mu ddagala erisaanuusa n'erisangula amabala, olwo ennaku ze ez'okuwolereza ziba ziweddeko. "Oyo omugwagwa asigale nga mugwagwa. Era n'omutuukirivu, asigale nga mutuukirivu." Olaba? Era awatukuvu Avaawo, olwo ne wafuuka entebe ey'omusango. Olwo ziba zibasanze abo abali ebweru wa Kristo.

33 Kati weetegereze, naye kya kubikkulwa ng'Omwana gw'Endiga Avudde mu kifo Kye eky'obuwolereza awali Kitaffe. Kaakati, ekyo kwe Kubikkulira 5. Kati Atwala Ekitabo ky'Obubonero, Ekitabo ky'Obubonero, oba Ekitabo ekisibiddwa n'Obubonero, Abubembula n'Abalaga. Mutunule. Wano ku nkomerero y'omulembe, ng'okuwolereza kuwedde, emirembe gy'ekkanisa giggweereddeko ddala. Yayingira mu mulembe ogwasooka, Omulembe ogwa Efeso; Yabikkula era n'Atuma omubaka. Weetegereze ebiddirira, nga bwe tweyongerayo.

Eno ye ntegeka yaabyo. Ekisooka okubaawo, kwe ku — o —ekirangiriro mu ggulu. Kye kisooka. Kiki ekibaawo? Akabonero kabembulwa. Ekyo kye ki? Ekyama kizinguluddwa. Olaba? Era ekyama bwe kizingululwa, olwo akagombe kavuga. Kirangirira lutalo. Ekiponyoobonyo kijja, olwo omulembe gw'ekkanisa ne guggulwawo. Olaba? "Olutalo" luba lutyaa? Malayika w'Ekklesia akwata ekyama kya Katonda, tekinnaba kubikkulwa mu bulamba. Naye, bw'akikwata, akwata ekyama kya Katonda kino, olwo n'ajja eri abantu ekyama nga kimaze okumuweebwa. Ajja eri abantu! Olwo n'akolayo ki? Atandika okulangirira obubaka obwo. Era ne buleetawo ki? Olutalo, olutalo olw'omwoyo.

34 Kati olwo ate Katonda n'Atwala omubaka We, n'abalonde ab'omulembe ogwo, n'Abawummuza, ne beebaka. Era olwo n'Akasuka ekiponyoobonyo ku abo abaagaana obubaka; omusango ogw'ekiseera.

Kati olwo ekyo nga kiwedde, olwo kyeyongerayo, ne beekolamu ekibiina ky'eddiini, era ne bavaamu ebibiina, ne batandikira okwo omulimu ogw'omuntu, nga ogwa Wesley n'abalala bona. Era olwo ne kyeyongerera ddala okwekululakutula. Ate olwo ekyama ekirala ne kijja. Olwo kiki ekibaawo? Omubaka omulala atuuka ku nsi, olw'omulembe gw'ekkanisa. Olaba? Olwo nno, bw'atuuka, e — ekkondeere livuga. Alangirira olutalo. Mulaba? Kati olwo kiki ekibaawo? Olwo, ku nkomerero aggibwawo. Era bw'amala okuggibwawo, ekiponyoobonyo kijja, kibasaanyaawo. Okufa okw'omwoyo kukuba ekklesia, ekibiina ekyo, ne kiba nga kiwedde. Olwo n'Agenda ku eddako.

Oh, ntegeka ya kitalo! Okutuukira ddala, ku malayika asembayo. Kati, ye talina kyama kya njawulo.

Wabula akunngaanya ebyo byonna ebyabula mu mirembe emirala gyonna, Amazima gonna agaali gatannabikkulwa mu bujuvu, laba, ng'okubikkulirwa bwe kujja, olwo n'abikkula ebintu ebyo mu lunaku lwe. Oba oyagala okukisoma, kye kino. Okubikkulirwa 10,1 okutuuka . . . 1 okutuuka nga ku 4, mujja kukifuna. Kale.

35 Mulaba? "Akwata Ekitabo, eky'Obubonero, n'abubembula," n'abulaga Malayika Owoomusanvu; Iwa nsonga eno yokka, ebyama bya Katonda, bwe buweereza bwa Malayika Owoomusanvu. Kati, twakayita mu mirembe gy'ekkanisa, era nga n'ebafaayo, bikikakasa. Olaba? Bwe bu — bwe bubaka bwa malayika ow'ekkanisa eyoomusanvu, kale, abikkula ebyama byonna ebibaddewo, ebintu byonna ebiyise. Kubikkulirwa 10:1-7, ekyo bwe kiri.

36 Kati, jjukira, "Mu nnaku za Malayika Owoomusanvu, ng'afuuwa, ng'afuuwa Ekkondeere ly'enjiri, ajja kumaliriza ebyama bya Katonda byonna." Nga wano, bwe byajjira mu mirembe gy'ekkanisa, egyasooka. Tujja kukifuna, oluvannyumako, enjigiriza. Kati, olwo, okusooka, yafuuka njogera; n'eba enjigiriza; olwo n'efuuka etteeka; ekyavaamu n'efuuka ekklesia, era okuyitira ddala mu Mirembe gy'Ekizikiza. Ate okuva mu Mirembe gy'ekizikiza wajjalo okuddaabulula okwasooka, okwa Luther. Era yajja, n'ebintu bingi, eby'ebaya ebyaliwo mu mulembe gw'ekkanisa ogwo, byonna nga biri omwo, naye teyabimaliriza.

Awo Wesley n'ajja, n'okutukuzibwa, yafuna ebisingako. Naye era, teyabimaliriza; yaleka tebikwataganye, buli wantu ng'okumansira mu kifo ky'okubatiza. Ate Luther yatwala "Kitaffe, Mwana ne Mwoyo Mutukuvu" mu kifo kya "Mukama Yesu Kristo." Ebintu bino byonna eby'enjawulo.

37 Awo nno ne wajjalo Omulembe gw'Abapentekoote, n'Okubatiza kw'Omwoyo Omutukuvu, ne beewuggusizza ku ekyo. Kati, tekyayinza kubaayo mulembe mulala gwonna. Gy'egyo gyokka. Oyo ye Firaderufiya . . . oba, kati, gwe mulembe gwa Lawodikiya. Naye luli nga . . . Twasanze, nga tuyiga Ebyawandiikibwa, ng'omubaka eri omulembe, ajja buli mulundi ku nkomerero yaagwo. Pawulo yajja ku nkomerero ya mulembe. Tusanga nga Irenaeus yajja ku nkomerero yamulembe. Martin, ku nkomerero ya mulembe. Luther, ku nkomerero ya mulembe gwa Bakatoliki. N'ekirala (ki?) Wesley ku nkomerero ya mulembe gwa Luther. Ate Pentekoote, ku nkomerero ya mulembe gwa kutukuzibwa, okutuuka ku kubatizibwa kw'Omwoyo Omutukuvu.

Ku nkomerero y'omulembe gwa Pentekoote, tusuuberwa okufuna, okusinziira ku Kigambo, nga Katonda bw'Anannyaamba leero okukibalaga, okuyitamu kino, nti tuteekwa okufuna omubaka ajja okuleeta ebyo byonna ebiragaya abikkule ekyama kyonna ekya Katonda olw'okukwakkulibwa kw'ekkanisa.

38 Ate waliyo nate ebibwatuka ebijja omusanvu eby'ebaya ebitali na biwandiikeko n'akatono. Ky'ekyo. Era nzikiriza, nti okuyita mu bibwatuka ebyo omusanvu, bijja kubikkulwa mu nnaku ezisembayo olw'okukunngaanya Omugole olw'okukkiriza okw'okukwakkulibwa. Kubanga, kino kye tulina kaakati, ffe — tetwandisobodde kukikola. Waliwo ekibula. Tulina okweyongerayooko. Ffe, tetulina na kukiriza kumala, okw'okuwonyezebwa okw'obwakatonda. Tulina okuba n'okukkiriza okumala okukyusibwa, mu kaseera buseera, okusitilibwa okuva ku nsi kuno. Era ekyo tujja kukisanga eyo, gye bujjako katono, Mukama nga Ayagadde, tujja kulaba we kiwandiikkidwa.

39 Olwo, ebibonyoobonyo by'abo abakola ebibi! Kati, tunula, okuyita mu mirembe ng'Obubonero buno, bwe bugenze bubembulwa, okutuusa kati Akabonero akasembayo lwe kabembuddwa. Era kati nga bwe — nga bwe babadde bekkaanya obubonero buno mu kuteebereza, nga bateeberereza baakolanga. Kati, ku nkomerero y'emirembe, eky'ekkanisa, banobonna abakozi b'ebibi bajja kukunngaana babeere mu kibonyoobonyo;

Abo bona abakozi b'ebibi ab'Obubonero Omusanvu, ababaddle bakolera mu kyama ky'ekkanisa. Era tujja kukiraba, mu kaseera katono, nti n'okukola baakolera mu linnya lya kkanisa. Bagamba nti bo ye, "Ekkanisa." Kebera olabe oba nga si bwe kiri. Y'ensonga Iwaki mbadde nnwanyisa enkola y'ebibiina by'amadiini, naye nga simanyi Iwaki. Olaba? Olaba?

Bikoma. Kati, kitandikira ddala emabega eno mu ngeri ya kimpoowooze, n'egenda ng'eyongera kusajjuka busajjusi, okutuukira ddala . . . Olwo abantu ne bakiyingiriram u ddala, nga bagamba, "Oh, yee, kino kirungi nnyo." Naye mu nnaku ezisembayo, ebintu bino bimanyisibwa. Ku nkomerero baba babi nnyo okutuusa lwe bagenda ne beesogga mu kiseera eky'ebibonyoobonyo.

40 Omuntu ayinza atya okugamba nti Omugole wa Kristo ayingira mu kibonyoobonyo? Siyinza kukitegeera. Olaba? Ajjiddwa mu kibonyoobonyo. Oba singa Ekklesia ebeera eramuddwa, era nga beesalidde omusango, nga bakkirizza Omusaayi, omuntu omutuufu ataliiko kamogo, Katonda Ayinza Atya okumusalira omusango? Ogamba, "Teriiyo muntu alinga oyo." Buli mukkiriza azaaliddwa ogwokubiri, omukkiriza omutuufu, abeerera ddala, nga talina kibi kyonna mu maaso ga Katonda. Teyeesiga bikolwa bye ye; mu musaayi gwa Yesu, ebibi bye mwe byasuulibwa. Bayibuli bw'etyo bw'egamba. Olaba?

"Oyo — oyo azaalibwa Katonda takola kibi, kubanga tasobola kwonoona." Oyinza otya okufuula omuntu omwonoonyi, ng'ekisaanuusa amabala eky'Omusaayi gwa Yesu Kristo kiri wakati we ne Katonda?

Ekyo kisaasaanya ekibi okutuusa nga tewakyali kisigaddewo ku kyo. Olaba? Omusaayi ogwo omutukuvu ogwa Kristo guyinza gutya okukkiriza ekibi kyonna okuyitawo? Tasobola.

Yesu Yagamba, "Mubeere batukuvu, nga Kitammwe Ali mu Ggulu bw'Ali omutukuvu." Era twanditandise tutya ekiriwoozo ky'okuba abatukuvu? Naye Yesu y'Akyagala. Era oba nga Yesu Yakyetaaga, Alina okukikolerawo ekkubo. Era Alikoze; gwe musaayi Gwe!

41 Kaakati, abikkula ebyama byonna, ebibaddewo emabega. Kati, ekirowoozo kiri wano, ku kiseera eky'enkomerero, nti ebyama ebyatandika edda ennyo era nga bigenze biyita mu mirembe gy'ekkanisa, bya kubikkulwa wano ng'Obubonero bubembulwa, wano mu nnaku ezisembayo, oluvannyuma lw'ekiseera ky'okuwolereza nga kinaatera okuggwaako, mu kiseera ekyo.

Awo nno, ebibonyoobonyo birindirira abo abakirimu. Bagendera ddala mu kyo. Ekyo kibaawo ng'Omugole amaze okuggibwawo.

42 Oh, ka tusomeyo Ekyawandiikibwa. Mwenna mwagala okuwandiika ebimu ku Byawandiikibwa? Katubikkule 2 Abasesaloniika, mu kaseera katono, era tulabeko katono. Ki — wano nga kifaananyi kirungi nnyo! Nkyagala. Ka tukirabe. Ddala, 2 Abasesaloniika. Era njagala essuula eyookubiri eya 2 Abasesaloniika, era o — olunyiriri olwo 7. Ka tulabe. 2 Abasesaloniika 2:7. Ndowooza ekyo bwe kiri, kaakati. Kino nakiwandiise, nga nkankana era nga njugumira.

. . . banga ne kaakano ekyama eky'obujeemu weekiri kikola: wabula kyokka oyo . . . ziyiza, kaakano okutuusa lw'aliggibwawo.

Ani? "Oyo aziyiza." Olaba? Olaba, ekyama, "ekyama ky'obujeemu," wala eyo mu mulembe gw'ekkanisa ogwasooka, kiri wano. Wano Pawulo awandiika, ng'agamba nti, "Ekyama ky'obujeemu." Obujeemu kye ki? Obujeemu, ky'ekyo ky'omanyi nti tosaanye okukikola, n'okikolera ddala. Era Pawulo yagamba nti waliwo ekiringa ekyo mu nsi ennaku zino, abakola obujeemu.

43 Oh, oba ggwe . . . tugenda kutuuka ku . . . Ka tusome akatundu ako, mu kaseera katono. Tutandikireko mu maasoko, olunyiriri olwokusatu.

Omuntu yenna tabalimbanga mu kigambo kyonna: kubanga olunaku olwo terulijja wabula ng'okwawukana kuli kumaze kubaawo, era omuntu (o-m-u-n-t-u) omuntu oli ow'okwonoona nga alimala kubikkulwa, omwana w'okuzikiriza; (ky'ekyo)

Aziyiza era eyeegulumiza okusinga buli kintu ekiyitibwa Katonda, oba ekisinzibwa; n'okutuula n'atuula mu yeekaalu ya Katonda, nga yeeraga yekka nti ye Katonda, Asonyiwa ebibi.

Temujukira, nga, bwe nali nga nkyali gye muli, nababuulira ebyo? Nandyagadde nnyo okutuula mu kuyigiriza ku by'okuyiga bino singa naliwo. Mwe temwandyagadde?

Era ne kaakano ekirobera mukimanyi alyoke abikukke mu ntuuko ze.

Si olwo, olaba, s iolwo; naye, "mu kiseera kye," olaba, ng'Akabonero ako kabembulwa. Tumanyidde ddala kye kyalii. Omuntu ono ow'okwonoona yali ani? Omuntu ono ow'ekibi ye ani, omuntu ono akola obujeemu? "Naye alibikkulwa mu kiseera kye"

44 KKubanga ne kaakano ekyama ky'obujeemu weekiri kikola:

(abalimba,mulaba, balimba ne babuzaabantu ne babayingiza mu birlala, mulaba);

okuggyako oyo (Katonda) aziyiza,aliziyiza okutuusa (Ekkanisa, Kristo, Omugole) lw'aliggibwawo.

Awo omujeemi oli omu n'alyoka abikkuka, . . .

Nga Akabonero kabembulwa, "mu kiseera kye." Pawulo yagamba, "Si mu kiseera kyange, naye mu kiseera ky'alibikkulbwamu." Olaba?

. . . Mukama waffe Yesu gw'alitta n'omukka gw'omu kamwa Ke,

Ekyo tujja kukiukako mu kaseera katono,

"Omukka gw'omu kamwa Ke." wekkaanye ekyo kye kiri.

Era gw'alizikiriza n'okulabisibwa kw'okujja kwe; Naye okujja kw'oyo kuli mu kukola kwa Setaani.

[Oyo, "oyo," omuntu akola ebikolwa bya Setaani]

. . . n'amaanyi gonna n'obubonero n'ebi'amagero eby'obulimba: N'okukyamya kwonna okutali kwa butuukirivu, balimba abantu n'okukyama okutali kwa butuukirivu, eri abo ababula

(si Omugole ono), eri abo abanoonya ekintu ekiri ng'ekyo;

Kubanga tebakkiriza kwagala mazima, . . .

Ate Kristo ge Mazima, [era Kristo kye Kigambo; naye baasiima okutwala ebikwate. Huh! Mukiraba?

. . . balyoke balokoke. Katonda ky'ava abasindikira okukyamya okukola, bakkirize eby'obulimba;

[Kyandikyusiddwa, nga bwe nakirabye mu bye tuyize, "obulimba obwo," so si "Obulimba obwa bulijo." "Obulimba obwo," obwo bwennyini bwe yaleetera Kaawa]

Bonna balyoke basalirwe omusango abatakkiriza mazima, naye abasanyukira obutali butuukirivu.

45 Ng'ebigambo ebyo bikulu! Abange! Ng'Omugole amaze okutwalibwa, olwo omuntu ono ow'okwonoona alyebikkula. Ye, Omugole omutuufu owa Kristo, amaze okulondebwa mu buli mulembe gwa kkanisa.

Kaakati, olunaku Iwa luli nagamba nti, "Omugole asobola okuddayo eka naye n'otokimanyaako." Ekyo bwe kiri. Waliwo eyagamba, "Kale, ow'oluganda Branham, oyo atekwa kuba kabiina katono nnyo." Yesu Yagamba, "Nga bwe kyali mu nnaku za Nuuwa," kaakati ggwe ekyo kirabe, olaba, "omwali abantu omunaana bokka abaawonawo n'amazzi, bwe kityo bwe kiriba mu kujja kw'Omwnana w'omuntu."

46 Singa wabaawo abagenda mu Kukwakkulibwa 800 leero, enkeera tojja kuba na ky'okiwlirako, olunaku oluddirira, oba ekiseera ekirala. Baba bagenze era tolibaako ky'okimanyaako. Olaba, kijja kusigala kye kimu.

Kye ngezaako okugamba kye ki? Sigezaako kubatiisa, kubeeraliikiriza. Nze —njagala mubeere kubunkenke. Mwetegeke, mutunule, buli kaseera. Vva mu busirusiru bwo. Kolera ddala omulimu gwo ne Katonda, kubanga obudde buyise okusinga bw'olowooza.

47 Kati, jjukira, Omugole omutuufu! Kati, eriyo omugole omukyamu. Ekyo tukifuna mu Kubikulirwa 17. Agamba, "Ndi nnamwandu, era siriiko kye nneegomba," olaba, ng'atudde ku nsolo eyakakobe, n'ebiringa ebyo, manyanga, ekisolo. Kati, naye Omugole yennyini alibaamu enkumi n'enkumi ez'abantu, naye balibeera Abalone okuvamu buli mulembe gwa kkanisa. Buli mulundi Obubaka Iwe bwajja, abantu ne babukkiriza ne babusembeza mu Musana gwabo gwonna gwe bwalmu, baasibibwako akabonero okutuusa ku lunaku Iw'okununulibwa.

Yesu Teyayogera ekintu kye kimu, bwe Yagamba, "E — oluyoogaano lujjira mu — mu kisisimuka ekyomusanvu"? Ogwo gwe mulembe gw'ekkanisa ogusembayo. Olaba? N'Agamba, "Laba, Anaawasa ajja; mugende mumusisinkane."

Olwo embeerera eyeebase ajja, n'akunya amaaso ge, n'agamba, "Ndowooza nange, nteekwa okuba n'amafuta ago; kale oba oli awo kyandibadde kirungi obe nago."

Omugole omutuufu, ayimirira n'agamba, "Amafuta ge tulina gatumala bumazi ffekka. Uh-huh. Ffe katuyingire, ffekka. Tetulina ge tukuwa. Oba oyagala, genda osabe."

48 Kale bwe yagenda, Omugole awasa n'ajja, n'Omugole omukazi n'ayingira. Ate olwo abaaSIGALAWO awo, abo abaali ddala abalungi , ekkanisa, yalekebwabweru. Era n'Agamba, "Eribaayo okukaaba, n'okusinda, n'okulumu obugigi." Olaba,

Kati, abo be Balonde. Era eddoboozi bwe Iyajja, "Anaawasa atuuse," olwo buli omu ku abo abaali beebase okuyita mu mirembe, baazuukuka,buli omu.

49 Laba, si Katonda, nga bwe tulowooza, Ajja okugenda nga Yeeyiggira abantu abatono ab'omulembe guno Abatwale. Be Balonde aba buli mulembe bennyini. Era eyo y'ensonga Iwaki Kristo Alina okusigala ku ntebe ey'okutabaganya, eyo ng'Omuwolereza, okutuusa oyo asembayo Iw'alijja mu mulembe ogusembayo. Era olwo ebibikkuddwa bino, ku bibaddewo, birijjira abantu, era baliraba ekibaddewo. Olaba? Kati mukifuna? [Ekibiina, "Amiina." — Omuk.]

50 Kale.

Weetegereze, "abafu abalala," bammemba b'ekkanisa, "tebaalabikako okutuusa oluvannyuma Iw'emyaka olukumi." Bammemba b'ekkanisa, a Abakulisitaayo, ekkanisa, teyalabikako nate okutuusa emyaka olukumi nga giweddeko. Olwo ate bajje bayimirire mu maaso g'Omugole, ekyo bwe kiri, bayimirire mu maaso ga Kabaka ne Nnaabakyala. Kya kitibwa! Waliwo ekkanisa leero eyeeyita, "Nnaabakyala w'Eggulu."

Nnaabakyala w'Eggulu ye Mugole wa Kristo omulonde, era ajja naye. Danyeri yakiraba, n'agamba, "Obukumi n'obukumi baamuweereza Oyo." Era singa ogenderera Ebyawandiikibwa wano, mu Danyeri, "omusango ne gubaawo, ebitabo ne byanjuluzibwa."

51 "Kati jjukira, bwe Yajja, Yajja n'Omugole We. Omukyala aweereza omwami we. "Era obukumi emirundi bukumi obw'enkumi baamuweereza Ye. Omusango ne gubaawo, n'ebitabo ne bibikkulwa." "Era n'ekitabo

ekirala ne kibikkulwa, kye Kitabo ky'Obulamu," si ye Mugole, n'akatono. Ye amaze okulinnya waggulu n'okudda, era ayimiridde awo asalira emirembe egoo omusango abo abaagaana Obubaka bw'Enjiri.

Yesu si bwe yagamba? "Kabaka omukazi ow'obukiika ddyo alijja n'omulembe guno, mu nnaku ze ez'okulamulwa, era alisalira omulembe guno omusango; kubanga yava mu bitundu eby'ewala ennyo eby'ensi, okuwulira amagezi ga Sulemaani, naye asinga Sulemaani ali wano."

52 Omusango gu guugwo awo, kabaka omukazi owa ow'e Seeba, ow'obukiika ddyo, ayimiridde awo mu musango, n'obujulizi bwe. Tewaali newankubadde Muyudaaya yajja n'omulembe ogwo ogw'Abayudaaya. Era baali bamuzibe, ne bamusubwa. Kubanga, baali bamunoonya, naye Yajja nga Anyoomebwa nnyo, ne bamusukkirira nnyo waggulu, bwe batyo ne bamuyitirako ddala. Era, bw'atyo, kabaka oyo omukazi bwe yeetoowaza, yajja n'akkiriza Obubaka. "Era aliyimirira mu musango," bwe Yagamba, "asalira omulembe ogwo omusango."

53 Kati, bulijjo mulaba engeri zino essatu. Ekitabo, abafu balamulwa; ekitabo ekirala, Ekitabo ky'Obulamu, abo abaalina amannya gaabwe mu Kitabo ky'Obulamu. Bagamba, "Oba erinnya lyo liri mu Kitabo ky'Obulamu, kirungi, uh?" Nedda, ssebo!

Laba, Yuda Isukalyoti yalina erinnya lye mu Kitabo ky'Obulamu. Kati ogamba nti ekyo si kituufu? Yesu, mu Matayo 10, Yabawa obuyinza okugoba emizimu, okuwonya abalwadde, okulongoosa abagenge, n'okuzuukiza abafu. Era ne bafuluma, ne bakomawo, Yuda ng'ali ddala nabo. Ne bagoba emizimu, ne bakola eby'amagero ebya buli kika. Ne bakomawo, ne bagamba, "N'emizimu nagyo gituwulira."

Yesu Yagamba, "Muleme kusanyuka kubanga emizimu gibawulira, naye musanyuke kubanga amannya gammwe gawandiikkidwa mu ggulu." Era Yuda yali nabo. Naye kiki ekyaliwo? Bwe kyatuuka ku balonde mu okugenda waggulu eyo ku Pentekoote n'okufunira ddala Omwoyo Omutukuvu, Yuda n'alaga ky'ali. Alibaayo mu musango.

N'olw'ekyo ebitabo byabikkulwa; n'Ekitabo, ky'Obulamu kyabikkulwa; era buli muntu bw'atyo n'alamulibwa. Kati, Omugole ayimiridde awo ne Kristo, okulamula ensi.

54 Pawulo Teyagamba, "Oyinza otya," ayogera eri Mugole, okuba n'ekigambo oba ensonga buli omu ku munne, n'ogenda eri amateeka agatali matuukirivu. Temumanyi ng'abatukuvu balisalira ensi omusango?" olaba? Ky'ekyo. Abatukuvu bajja kusalira ensi omusango ate bagifuge. Ekyo bwe kiri!

Ogamba, "Kiyinzika kitya mu nsi akabiina akatono bwe katyo?" Simanyi bwe kijja kukolebwa. Naye Yagamba nti kijja kukolebwa, n'olw'ekyo nze nga bwe mmamyi, ekyo kimala.

55 Kati tunula. Kati weetegereze. "Abafu bona abalala," bammemba b'ekkanisa, bammemba b'ekkanisa abafu, "tebaba balamu okutuusa emyaka olukumi lwe giggwaako." Era olwo ku myaka olukumi, baakunngaanyizibwa; okuzuukira okwokubiri kwajja, kwe kuzuukira okwokubiri, ne bakunngaanyizibwa. Kati Kristo n'Ekkanisa, Omugole, si ekkanisa; Omugole, Kristo ne Nnaabakyala, si kkanisa. Ekka . . . Kristo n'Omugole baayimirira awo. Ne baawulibwamu, ng'endiga mu mbuzi. Ekyo bwe kiri. Abo abajja be bammemba b'ekkanisa.

Era ova baawulira Amazima, ne bagagaana, olwo kiki ekijja okwogerwa nga ekintu kyonna nga kyanjaliddwa, nga n'ebirowoozo byo biri awo, buli ky'olowoozaako? Olikisimattuka otya, nga kiri awo wennyini ku lutimbe Iw'ebire, awo ku ttivi ya Katonda ey'ekitalo. Ebirowoozo byo byennyini nga bikwewaggulako. Ebirowoozo byo byennyini birikulumiriza mu kiseera ekyo.

N'olw'ekyo bw'oyogera kino, n'olowooza kirala, kirungi okikomye. Ebirowoozo byo biteke ku Katonda. Bikuumi nga birongoofu, ku ekyo kyennyini, era yogera ekintu kye kimu buli kiseera. Olaba? Togamba, "Kale, nja kugamba nti nkikkiriza, naye nja kumala kukiraba." Ggwe kikkirize! Amiina.

56 Weetegereze, ab'ekika kino, Iwaki bafa, bayitamu kulongosebwa kw'okugezesewa okw'ekibonyoobonyo kubanga ddala tebali wansi wa Musaayi. Bagamba nti bwe bali, naye tebali. Bayinza batya okuyita mu kibonerezo, okubatukuza, ng'Omusaayi gwa Yesu Kristo (ekisaanusa) ogukuggyyako buli kabinero ka kibi n'ebiringa ebyo togulina. "Era wafa dda, era obulamu bwo bukwekedwa mu Ye mu Katonda, busibiddwa muli n'Omwoyo Omutukuvu."

Oliba osalibwa ki omusango? Okulongoosebwa kwo onookuggywa wa? Ogenda kulongoosebwa mu ki, ng'oli ddala mu Kristo, tolina kibi? Ki . . . Okulamulwa kwaki?

Naye ebibiina by'abeebase, abantu abo bye batasobola kutegeera.

57 Kaakati, bamaze myaka nga tebakikola, olaba, naye eno y'essaawa ey'okubikkulirwa, olaba, olaba, okubikkulwa awo ng'Omugole ajja; okumaliriza ebisembayo, ebintu eby'oluvannyuma bijja. Abaagalwa, nzikiriza, enkomerero eri kumpi.

Ddi? Simanyi. Nze — siyinza kubabuulira. Naye ekintu kyonna . . . Njagala mbeere mulamu leero,

ng'eringa ey'okubaawo leero, mbeere mwetegegef. Olaba? Ayinza okujja leero, so nga ate, Ayinza obutajja okumala emyaka abiri. Simanyi w'Alijjira. Naye ne bwe luliba ddi, . . . Era obulamu bwange buyinza okuvaawo, leero; kati, olwo, buli kye nkoze wano, kiba kikomye ku ssaawa eyo. Nze — Nina okumusisinkana mu kulamula, mu ngeri gye nagendamu eyo. "Omuti gye gwewunzikira; eyo gye gugwira.

58 Jjukira, bwe baagenda okugula amafuta, bo . . . "Oh," ogamba, "kaakano, lindako akaseera, Ow'oluganda Branham. Ekyo sikimanyiiko."Bwe baagenda okugula amafuta, bwe baakomawo, Omugole yali amaze okugenda n'oluggi nga lugale. Ne bakonkona ne bagamba, "Mutuggulirewo! Mutuggulirewo!" [Ow'oluganda Branham akonkona ku kituuti emirundi egiwerako— Omuk.] Naye baali bweru mu kizikiza kyereere.

Kati, ekyo oba oyagala okukigeraageranya, kati laba. "Mu kiseera kya Nuwa," Yesu Yagamba Yakyogerako. Kati, mu kiseera kya Nuwa, baayingira mu lyato. Naye baayisibwa mu . . . mu kiseera eky'omusango, naye ekyo — tekyalaga kifaananyi kya Mugole wa Kristo.

Enoka ye yalaga ekifaananyi ky'Omugole. Enoka! Nuwa yayitawo, okusukka omugole . . . okugendera ddala, okuyita mu kiseera eky'ekibonyoobonyo, yabonaabona, n'atamiira, era n'afa. Naye Enoka yatambulira mu maaso ga Katonda, emyaka 500, n'aba n'obujulizi, "yasanyusa Katonda," n'okukkiriza okw'okukwakkulibwa; yatambula butambuzi n'afuluma, n'ayambuka okusukka ebire n'agenda Eka nga taleze na ku kufa; ye teyafa, nakatono.

59 Ekyo kye kifaananyi ekyo "Naffe abalamu abasigaddewo tetugenda kuziyiza oba kulemesa abantu ab'ekifaananyi ng'ekyo abeebase," abo abeebaka olw'emyaka gy'emibiri, mu — mu mbeera ey'emyaka gy'obulamu bw'omuntu. Baafa dda nnyo, naye si bafu. Beebase bwebasi. Amiina. Beebase, si bafu. Era kintu kimu ekyetaagisa Anaawasa omugole kubazuukusa. Yee. "Ffe abalamu abasigaddewo, tetujja kuziyiza abo abaamala edda okwebaka. Kubanga ekkondeere lya Katonda lirivuga, n'abo abaafiira mu Kristo be balisooka okuzuukira; naffe abalamu abasigaddewo ne tulyoka tutwalibwa wamu nabo mu bire okusisinkana Mukama waffe mu bbanga." "Era abafu abalala tebaba balamu okutuusa emyaka lukumi nga giweddeko." Ky'ekyo, baayita mu kiseera eky'ebibonyoobonyo. Ekyo kyali ki? Afaanana Enoka.

60 Omanyi, Nuwa yeetegereza Enoka. Kubanga, Enoka bwe yabulawo, yamanya ng'omusango gutuuse. Yatandika okusembera okumpi n'eryato. Naye Nuwa teyagenda. Yasitulibwako katono waggulu, n'ayita ku bibonyoobonyo. Yatwalibwa n'ayita mu kiseera ky'ekibonyoobonyo, okufa olumbe. Olaba? Naye Nuwa yayitamu. Enoka yakyusibwa, awataali kufa, ekifaananyi ky'Ekkanisa ng'esitulibwa n'abo abeebase, okusisinkana Mukama mu bbanga, ate ekitundu ekirala eky'ekkanisa ne kitwalibwa okuyita mu kibonyoobonyo. Sisobola kukiraba mu ngeri ndala yonna, ku lwange. Enoka, yakwakkulirwa, awataali kufa.

61 Kati ka tutandike okuyigako akatono wano kati, okusobola okutuuka ku ssomo lyaffe. Bwe tunaabeera ku ekyo, tetujja kweyongerayo, mu Bubonero buno. Kaakano, weetegereze. Kati ka tukole kino, kubanga, tujja kulwawo, oba oli awo olunaku lw'enkyo oba okwosa enkyo, tukwate ku kkondeere, okuva awo n'okweyongerayo, kubanga ekkondeere livuga mu kiseera kye kimu n'Obubonero. Biri ddala kintu kimu. Omulembe gw'ekkanisa gutandika, ki . . . Kiri ddala ekintu kye kimu. Mulaba?

62 Kati, ekkondeere bulijjo litegeeza lutalo, oba oluusi kasasamalo mu by'obufuzi. Ekkondeere kye likola. Akasasamalo mu by'obufuzi, kati ekyo kireeta lutalo. Bw'otandika okwonoona mu by'obufuzi, byonna ne bikutabukira, nga bwe kiri kati, weegendereze, olutalo lubindabinda.

Naye, laba, obwakabaka bukyali bwa Setaani. Ekitundu kino kikyali mu ngalo ze. Naye Iwaki? Kinunuddwa Kristo, naye Akyakola ng'Omununuzi w'omu lulyo, Atwala ababe, okutuusa asembayo (erinnya) ng'ateereddwa mu Kitabo, nga Amaze okukifuna era nga Akisibyeko n'envumbo. Awo, ekyo mukitegedde? [Ekibiina kiddamu, "Amiina." — Omuk.] Olwo n'Ava ku Nnamulondo Ye, Nnamulondo ya Kitaawe, Ajja, n'Atoola Ekitabo okuva mu mukono gwa Katonda, ku Nnamulondo, era n'Abanja Ebibye. Kyasookerako kwe kuyita Omugole We. Amiina! Awo Atwala ki? Atwala omulabe We, Setaani, n'Amusiba, n'Amusuula mu muliro ebweru eyo n'abagoberezi be bona.

Kati, jjukira, teyali Russia. Nedda. Omulabe wa Kristo muntu mukkakkamu. Weetegereze nga bw'ali omukkakkamu. Mugezi nnyo. Yee, ssebo. Kyetaagisa Omwoyo Omutukuvu, kye kyokka ekiyinza okumusobola.

63 Weetegereze, amakondeere kitegeeza obutali butebenkevu mu by'obufuzi, olutalo. Matayo 24, Yesu Yakyogerako. Yagamba, "Muliwulira entalo n'ettutumu ly'entalo . . ." Olaba, okukiyitiramu ddala kyonna. Ojjukira e . . . Yesu Yakyogerako ekyo, "Entalo, n'ettutumu ly'entalo, era ettutumu n'entalo, era okutuukira ddala ku nkomerero." Kati, okwo kwe kufuuwa ekkondeere.

Kati, bwe tutuuka ku makondeere, tujja kuddayo emabega, tulabe entalo kinnalumu, mbalage nti zaagoberera amakanisa ago, tujja kabalaga nti zigoberera Obubonero buno. "Entalo n'ettutumu ly'entalo." Naye, ekkondeere, litegeeza busasamalo mu bya bufuzi.

So nga, obubonero bukwata ku busasamalo mu bya ddiini. Olaba? Akabonero kabembuddwa, Obubaka bukka. Era ekkanisa bulijjo nywevu nnyo mu ngeri y'obufuzi bwayo, n'ebirala, wamu n'ebitiibwa byayo. Obubaka obwo bwennyini bwe bujja, omubaka oyo n'agenda mu maaso era abayuza bulere. Ky'ekyo. Kasasamalo ka bya ddiini Akabonero bwe kabembulwa. Ekyo kye kibaddengawo. Ky'ekyo.

Yee.

64 Mu Sayuuni bona batebenkera. Ekkansa yonna bagitebenkeza n'ekkalira wansi, era, "Kyonna tukikoze." Nga bwe kyali mu Kkanisa y'eBungereza, bona baali bateredde. Ekereziya Enkatolika, bona nga bateredde, awo Luther n'ajja. Waaliwo akasasamalomu by'eddiini. Yee, ssebo! Ddala bwe kyali!

Kale, ekkanisa yawaguwa n'egenda ne Zwingli. Era okuva ku Zwingli, yeeyongera ne yeesalaasalamu, okutuuka ku Calvin. Ngawayise akaseera, Ekkansa eya Anglican yatebenkera, era n'ebeera ntende, awo Wesley n'ajja. Waaliwo akasasamalo k'ebi'eddiini. Ekyobwe kiri. Olaba, bulijjo kitegeezza kasasamalo ka bya ddiini.

65 Kati, Akabonero. Ka tukasomeko katono awo. Njagala tu kino tukifune, ka tukisome. Nja kuba nga njogera. Nja . . .

Ne ndaba Omwana gw'endiga bwe yabembula ku bubonero omusantu ko akamu, (kiki ekyabaawo?) ne mpulira, ng'eddoboозi ly'okubwatuka,...

Oh, nga nnandyagadde okumala akaseera ku kino! Nsuubira nti kati abantu bona abamanyi ebintu bino era abalindiridde okukubagizibwa kwa Mukama, kati bajja kwewaayo okuyigira ddala; era, ne ku ntambi, kino mujja kukirowoozaako.

Ekyasooka kyabeerawo, Omwana gw'Endiga Oyo bwe Yabembula Akabonero Akasooka, Ekibwatuka kyabwatuka. Kati, ekyo kirina amakulu. Kirina . . . kirina amakulu. Kirina kye kitegeezza. kya nsonga. tewali kibaawo awatali nsonga. Kale, ekibwatuka, ekibwatuka kyabwatuka. Mwagala okumanya ekibwatuka ekyo kye kyali?

66 Kati, ka tusomeyo katono. Ka tubikkule Matayo . . . Nedda, ka tusooke, Yokaana Omutukuvu. Omutukuvu Yokaana, essuula 12, era kwatirirako katono. Yokaana Omutukuvu, essuula 12. Era tutandikire ku lunyiriri olwa 23 olw'Omukutukuvu Yokaana 12. Kati, wuliriza wano, era wuliriza n'obwegendereza, kale tojja kwongera kwebuuza nate kiki kye kiri.

Yesu n'abaddamu, ng'agamba nti, Obudde butuuse, omwana w'omuntu agulumizibwe

Olaba, awo, oli ku nkomerero ya mulembe. Obuwereza bwe buwedde. Olaba? "Obudde butuuse, Omwana w'omuntu agulumizibwe." Naye kitya nga, "Obudde butuuse Omugole aggibwewo"? Kiba kitya? Ng'obudde butuuse, obwo, "Nga tewali kiseera nate." Malayika yeetegese okulinnya okigere ekimu ku nsi, ate ekirala ku nnyanja ne musoke waggulu We, ku nnyanja, agambe, "Ekiseera kiweddeyo." Ate ng'oggyeeko ekyo, Yayimusa emikono gye waggulu n'alayira nti "ekiseera kiweddeyo," kino bwe kyatuukirira. Nga — nga kituufu ddala, ekirayiro ekiri mu buwandiike eri Ekkansa! . . . Obudde butuuse, omwana w'omuntu agulumizibwe.

Ddala, ddala, mbagamba nti, Empeke y'enngaano bw'etegwa mu ttaka n'efa, ebeerera awo yokka: naye bw'efa, ebala emmere nnyingi.

Ayagala obulamu bwe bumubula; . . . naye akyawa obulamu bwe mu nsi eno alibusigaza, okutuuka ku bulamu obutaggwaawo.

Omuntu bw'ampeereza, angobererenga; nange gye ndi, eyo. . . omuweereza wange naye gy'anaabanga: omuntu bw'ampeereza, Kitange alimussaamu ekitiibwa.

Kaakano omwoyo gwange gweralliikiridde; . . .

67 Ogamba, "Kale, Ajja, ku nkomerero y'olugendo, ate nga gwe otawaana?" Okirowoozaako otya nga ekintu ekinene eky'omwoyo, kikuliko kikutawaanya? Oh, owange! Uh-huh!

Kaakano omwoyo gwange gweralliikiridde; era njogere ntya? Kitange, ndokola okunziggya mu kiseera kino: naye kye nnava ntuuka mu kiseera kino.

Kitange, gulumiza erinnya lyo. Awo eddoboozi ne liva mu ggulu, nti, Nnaligulumiza, era ndirigulumiza nate.

Awo ekibiina ekyali kiyimiriddewo, bwe kyaliwulira, ne kigamba . . . kubadde kubwatuka: . . .

68 Olwo, Omwana gw'Endiga bwe Yatoola Ekitabo n'Abembula Akabonero aka Akasooka, Katonda Yayogera nga Ayima ku Nnamulondo Ye Etaggwaaawo, n'Ayogera Akabonero aka, kye kagenda okubikkula. Naye bwe kyaleetebwa mu maaso ga Yokaana, kyali mu kifaananyi. Yokaana bwe yakiraba, kyali kikyali

kyama. Lwaki? Kyali ne mu kiseera ekyo tekinnabikkulwa. Tekiyinza kubikkulwa okutuusa ekyo ky'agambye wano, "mu kiseera eky'enkomerero." Naye kyajjira mu ngeri ya kifaananyi.

Kati olwo, ne"kibwatuka." Jjukira, okubwatuka kw'eddoboozi ng'eggulu lye Ddoboozi lya Katonda. Ekyo Bayibuli ky'egamba, olaba, "okubwatuka ng'okw'eggulu." Baallowooza nti eggulu lye libwatuse, naye Yali Katonda. Ye Yakitegeera, kubanga kyamubikkulirwa. Olaba? Kwali kubwatuka.

Weetegereze, Akabonero Akasooka kabikkulwa. Akabonero Akasooka, bwe kaabikkulwa mu ngeri ya kifaananyi, kyabwatuka. Kati ate kiri kitya nga kabembuddwa nga ddala bwe kali?

69 Kyabwatuka amangu ddala nga Omwana gw'Endiga Akomye ku Kabonero. Kati kyabikkula ki? Si Kko konna kye kali. Okusooka, Yali Katonda; ekiddako, kali mu kifaananyi; olwo, ne kabikkulwa. Ebintu bisatu. Olaba? Kaviira ddala ku Nnamulondo. Ekisooka, tekasobola kulabika, kuwulirwa, n'ebirala. Kasibidwa n'envumbo. Omusaayi Omwana gw'Endiga gwakasasula. Waaliwo okubwatuka bwe Yakoogera. Bwe Yakoogera, omuvuzi w'embalaasi enjeru yajja, ne kisigala nga kifaananyi bufaananyi.

70 Kati wekkaanye, Yagamba nti kirimanyibwa mu nnaku ezesembayo. Naye kirabikira mu kifaananyi kya kkanisa. Kkanisa, ekyo mukitegeera? [Ekibiina kiddamu, "Amiina." — Omuk.] Kirabikira mu e —ekifaananyi ky'ekkanisa, ne bamanya nti waliwo Akabonero. Naye akabonero ako kye kali, tebakimanyi, kubanga muvuzi wa mbalaasi njeru. Era nga kya kubikkulibwa mu nnaku ezesembayo nga Akabonero ako kennyini kabembuddwa. Kabembuliddwa eri ani? Si eri Kristo, naye eri Kkanisa.

Kati, weetegereze. Oh, owange, ekyo kindeetera okukankana! Nze — nze — nsuubira ekkanisa etegeerera ddala ekyo, kye nngamba, mmwe bannange. Nngenda kubayita Mugole, olaba, musobole okukitegeera.

71 Eddoboozi kwe kubwatuka. Eddoboozi lyava wa? Lyava ku Nnamulondo Omwana gw'Endiga gye gwali gwakava ng'Omuvolereza. Kati Ayimiridde wano okutwala ekifo Kye n'ebibye. Naye okubwatuka kwava munda mu Nnamulondo, ne kubwatuka. Kati Omwana gw'Endiga gwali guyimiridde wano. Ne kibwatuka, awo Omwana gw'Endiga we yali yaakava. Yava mu Nnamulondo ya Katonda, okugenda okutwala Nnamulondo Ye. Kya kitibwa! Awo nno, mukwano gwange, kino tokisubwa.

Ffenna tumanyi, ng'Abakulisitaayo, nga Katonda Yalayirira Dawudi nti Aliyimusa Kristo okutuula ku Nnamulondo ye, era Amuwe obwakabaka obw'emirembe n'emirembe wano ku nsi. Yakikola.

Yesu Yagamba, "Oyo aliwangula omulabe wa Kristo n'ebintu byonna eby'ensi, alituula Nange ku Nnamulondo Yange, nga Nange bwe Mpangudde ne Ntuala ku Nnamulondo ya Kitange."

Olaba?

72 Kati, luliba lumu n'Ava ku Nnamulondo ya Kitaawe, n'agenda okutuula mu Nnamulondo Eyiye. Wano Ajja okuyita abantu Be. Ajja kubabanja Atya? Amaze okufuna Ekitabo ky'Obununuzi mu mukono Gwe. Nga kya kitibwa! Oh, muli mpulira njagala okuyimba oluyimba:

Mangu Omwana gw'Endiga Aneetwalira Omugole we okubeeranga ku lusegere Iwe,
Eggye lyonna ery'omu Ggulu nga likunngaanye, (ekyo okukiraba);
Oh, kiriba kya kitibwa okukiraba, abatukuvu bona mu byeru;
Nga tujaguza ne Yesu lubeerera.

Oh, abange! Twogera ku "kutuula mu bifo eby'omu ggulu"? Kiriba kitya! ova twewulira mu ngeri eno, nga tutudde wano ku nsi, nga n'Okukwakkulibwa tekunnaja, mu mbeera eno gye tulimu kati; era nga tusobola okugyeyagaliramu, era ne tutuuka n'okuyimirira wabweru, ne tuyimirira mu nkuba, okuwulira bino; Kiriba kitya nga tumulabye Ye ng'Atudde awo! Oh, owange! Oh, kiriba kiseera kya kitibwa.

73 Yava ku Nnamulondo ya Kitaffe, n'Ajja oku . . . Omwana We, Abeere . . . Ye ye Mwana wa Dawudi. Ekyo Isiraeri kye yalowooza nti kye Yali azze okukola. Jjukira omukazi Omusulofoyiniiki, yagamba, "Omwana wa Dawudi!" Jjukira Battimaayo muzibe, "Omwana wa Dawudi!" Uh-huh! Kati Yesu ng'Amanyi enteekateeka bwe yali, so nga bo tebakimanyi. Baagezaako okumuwaliriza okutwala nnamulondo. Era ne Pirato yakimubuuza. Naye Yaddamu, "Singa obwakabaka bwange bubadde bwa mu nsi muno, basajja bange bandirwanye. Obwakabaka bwange bwa waggulu." Naye Yagamba, "Bw'oba osaba, saba, 'Obwakabaka Bwo bujje. By'Oyagala bikolebwwe wano mu nsi, nga bwe bikolebwwe mu Ggulu." Amiina. Uh-huh! Nga ekintu kino kinene kya ttendo!

74 Yava ku Nnamulondo ya Kitaffe, Atuule ku Nnamulondo Ye. Kaakati Avudde ku mulimu Gwe ogw'okuwolereza, okubanja Nnamulondo Ye n'abantu Be. Ekyo kye kyamujja ku Nnamulondo okujja okukikola. Awo ekiramu ekiringa Empologoma wekyagambira Yokaana, "Jjangu, olabe." Wekkaanye. Okisoma?

...akamu ku bubonero, era ne . . . nga eddoboozi ery'okubwatuka, era ekimu ku biramu ebina...

Omanyi ebiramu ebyo kye byali. Twabiyiseemu. Ekimu nga kifaanana empologoma; ekimu kifaanana ennyana; ekimu nga kifaanana omuntu; ate ekimu nga kifaanana empungu. Kati, ekiramu kino ekisooka ne kigamba . . . Wekkaanye, buli mulundi wajjavo kiramu kirala, okutuusa abavuzi abo ab'embalaasi abana lwe baggwaayo. Waliwo ebiramu bina, era waliwo abeebagazi b'embalaasi bana.

Weetegereze, buli kimu ku biramu ebyo birangirira. Matayo, Makko — Makko, Lukka, ne Yokaana. Tujja kwongera okukiyigako tukakase ani yali Matayo, ani Makko — Makko, ani Yokaana, buli omu nga bwe baatambula!

75 Kati Wetegereze, ekimu ku . . . ebiramu nga kigamba, Jjangu . . . olabe. Yawulira eddoboozi ery'okubwatuka. Era ekimu ku biramu ne kigamba, "Kaakati jjangu, olabe." Amakulu nti, kati, Omwana gw'Endiga Ayimiridde wano, nga ne Yokaana ayimiridde wali atunuulira ekigenda mu maaso. Omwana gw'Endiga ava ku Nnamulondo, ng'afaanana nga eyattibwa, ng'abunye omusaayi. Oyo Ye Yalabika nga Asaanidde. Era bwe Yagendayo okukwata Ekitabo, olwo buli kimu ne kireekaana, ne kiwowoggana, n'okujaganya, olaba, kubanga byamanya nti obununuizi busasuliddwa.

76 Kati Azze okubanja Ebibye. N'olw'ekyo, Akwata Ekitabo, Ayimirira awo mu maaso ga Yokaana, Akibikkula, n'Abembula Akabonero. Abembulako Akabonero! Kati bw'Abembulako akabonero, ekibwatuka ne kibwatukirawo. Era bwe kyabwatuka, awatali kubuusabuusa Yokaana yandiba nga yabuuka mu bbanga, ekibwatuka bwe kyabwatuka. Kati olwo ekimu ku biramu ebina ne kigamba, "Kati jjangu, olabe kiki ekibikkuddwa, wano munda." Oh, abange! "Yokaana, wandiika ekyo ky'olaba. Kale Yokaana agenda okulaba, okulaba kiki kye kyali.

Yokaana agenda okulaba okubwatuka kye kwagamba. Awo ekiramu kino we kyamugambira, Yokaana, "Jjangu, olabe ekyama ekiri mu Kabonero Akasooka." [Ow'oluganda Branham akonkona kukituti emirundi ena — Omuk.] Ekibwatuka, Eddoboozi ly'Omuronzi likyogedde. Kaakati, Ateekwa okumanya ekiriyo. Olaba? Oh, abange.

77 Naye, kati lowooza, kino yakiwandiika. Naye bwe yatandika okuwandiika ebyo ebirala, Ebibwatuka Omusanvu, Yagamba, "Tobiwandiika." Yali alagiddwa okuwandiika buli kimu kye yalaba. Naye ebibwatuka bino Omusanvu, ebiri mu Okubikkulirwa 10, bwe byabwatuka, Yagamba, "Ebyo tobiwandiika, n'akatono." Byama.

Tetunnamanya kye bitegeeza. Naye mu kulowooza okwange, bijja kubikkulwa kaakati. Era bwe binaabikkulwa, bijja kuleeta okukkiriza okw'ekisa ekyo eky'okukwakkulibwa, okusobozesa ekkanisa eyo okufuluma. Olaba? Tugenze tuyita mu bintu byonna ebyo byetumanyi, okuyita mu mirembe gyonna egyaliwo. Buli kimu tukirabye. Tulabye ebyama bya Katonda. Tulabye okulabika okwa e — okukunngaana awamu okw'ekitalo okw'Omugole mu nnaku ezesembayo. Naye, era, ekyaliyo ekintu mu kyo kye tutayinza kweyigiriza ffeffa. Wakyaliyo ekintu ekirala.

Naye nteeberezaamu, ebyama ebyo bwe byatandika okuvaayo, Katonda n'Agamba, "Kati ekyo kikuume. Lindako katono. Ndikibikkula ku lunaku olwo. Yokaana, tokiwandiika, n'akatono, kubanga bajja kukitagalirako. Kireke — kireke bulesi, laba. Naye Ndikibikkula ku lunaku olwo nga balina ensonga ey'okukiraba."

Tebyabwatukira bwereere. Jjukira, ng'ettundo erimu ettono erya bwino, buli kintu kirina ekigendererwa. Buli kimu kiriwo olw'ensonga. Naye, wekkaanye, Omuronzi Yayogera. Era na — yawulira eddoboozi lino, n'agenda okulaba.

78 Naye kaakano Omwana gw'Endiga Alaga Yokaana, mu kifaananyi kya . . . ekyo — eky'ebyawandiikibwa by'ekkanisa, okwagala, ekkanisa okumanya. Kiki eky'okuwandiika, Amulaga bulazi. N'agamba, "Kaakati, to — kino tokyogera, ekyo kye kiri. Toddayo, Yokaana, n'ogamba, "Kaakati, kino bwe kiti bwe kiri, ku ekyo ekikwekedwa mu Kabonero Akoomusanvu. Togeza, n'ogenda ng'okyogerako. Kubanga, Yokaana bwe nkimbuulira ekyo, entegeka yonna okuyita mu mirembe, eneeba eyoononese. Kyama." Olaba?

Ayagala bwagazi . . . Okujja Kwe! Kati, Yagamba, "Era teri n'omu agenda kumanya nga nzija. Nzija buzzi." Mukiraba? Ky'ekyo. Si mulimu gwange okumanya ddi. Labayo, nja kwetegeka bwetegesi.

79 Kati olwo n'agamba . . . Kati Yokaana n'afuluma, yallowooza, "Kati nngenda kukiraba." Kati yakola ki, Yokaana bwe yavaayo? Ye, kati, yalina kukola ki? Kati yalina kino okuiwandiikira omulembe gw'ekkanisa. Ekyo kye yali ateekwa okukola, okuiwandiikira emirembe gy'ekkanisa. "Wandiika ekyo ky'olaba ku bikondo by'ettabaaza bino omusanvu ebya zaabu, okusookera ddala. Wandiikira Ekkanisa eno obategeeze."

80 Kale. Kati ekibwatuka ne kitulika. Yokaana yamanya nti lyali Ddoboozi lya Katonda. Kati olwo e — ekiramu ekiringa empologoma ne kigamba, "Jjangu, olabe kino kye kibadde." Kati era Yokaana n'agenda, n'ekkaalamu ye, okuwandiika kye yali agenda okulaba.

Kati, teyalabira ddala kye kyali. Teyakitegeera. Naye kye yalaba ky'ekyo Katonda kye Yali Atumira Ekkanisa "olw'ekiseera." Kaakati Alina . . . bw'Ajjanga okukola; era bulijjo bw'akola; Akiraga bwe kiba nga kye kiseera eky'okukiraga. Naye ku olwo teyakiragirawo. Lwaki? Kubanga, Yali Agenda kukikuuma nga kyama okutuusa mu mulembe ogusembayo. N'okuvuga kw'Eddoboozi ly'Obubaka bwa Malayika asembayo bwali kukunngaanya byama bino. Olaba? Abinnyonnyola.

81 Naye Yokaana kye yalaba, yalaba bulabi, "embalaasi enjeru ng'efuluma, ng'eriko agyebagadde," n'olw'ekyo ekyo kye yawandiika, olaba, bwe yawandiika. Ekyo kye yagamba, "Jjangu, olabe." Kale Yokaana yagenda okulaba ekyo kye yali asobola okulaba, okukiwandiikira Ekkanisa. Era bwe yakikola, yalaba, "embalaasi enjeru, era n'oyo agituddeko ng'alina omutego; n'agenda ng'awangula, era awangule; Era n'aweebwa engule." Era, kati, ekyo Yokaana kye yalaba, bw'atyo n'awandiika, n'awandiika kyonna ekyo.

Kati labayo, ekyo kiri mu bubonero. Eyo y'engeri Ekkanisa gye yakifunamu. Naye, tulina ekisuubizo kino, nti mu nnaku ezisembayo, Ajja kukibikkula, Akirage bwe kiri. Ayi Katonda, Tuyambe tukitegeere.

82 Emirembe gy'ekkanisa, naye tekinnategeerekeka bulungi okutuusa Obubaka Obwomusanvu, obw'omulembe gw'ekkanisa guno ogusembayo. Weetegereze, atandika . . . Omubaka ono ow'omulembe gw'Ekkanisa Eyoomusanvu, bw'onookigenderera, tatandikawo kibiina kya ddiini, okufaanana ng'abalala bona bwe baakola. Jjukira, tatandika . . . Nedda. Ojja kukizuula nti, akiwakanya.

Eriya bwe yali, Eriya? Ddala, teyakyagala. Yokaana yakiwakanya, ng'aliko omwoyo wa Eriya? Eriya yalina mwoyo wa ngeri ki? Yali . . . Teri amumanyiiko bingi. Yali muntu buntu, naye yali nnabbi. Yakyayibwa. Owange! Yajjira mu kiseera ki? Awo wennyini Israeri we yatutumukira n'emanyika, bona ne bamalibwawo eby'ensi. Awo we yakikolera, era yali "mukyayi wa bakazi." Uh-huh. Yee, ssebo. Ddala yali. Ate n'ayagalanga eddungu. Ekyo kye kyali ekikulakye.

83 Olwo, abantu abo bandibadde bamanya omuntu oyo eyajja n'Omwovo ogwo gwe gumu ku ye, eyebajjira, ono Yokaana. Nga tayambadde ng'ababiitbwa, nga bwe nnagambye eggulo; Banywegera obwana obuto, bagatta abagole, baziika, n'ebirala. Naye omusajja ono yajja nga muntu wa mu ddungu. Yali ki? Yayagala eddungu.

Ekintu ekirala kye yakola, yakyawa ebibiina by'amadiini. Yagamba, "Kati, temutandika okugamba nti, 'Ffe tuli ba kino oba kiri,' kubanga nze mbagamba nti, Katonda mu mayinja gano, Ayinza okugayimusizaamu Ibulayimu abaana." Yali teyekkiriranya. Teba . . . Yagamba, "Mwagenda kulaba lumuli olunyeenyezebwu empewo?" Oyo si Yokaana! Nedda, ssebo.

84 Yakola ki naye? Ddala nga Eriya bwe yagamba Yezeberi, yagamba Kerodiya. Yagenda butereevo mu maaso ga Kerode n'agamba, "Si kituufu ggwe okuba naye." Baamutemako omutwe, olw'ekyo. Olaba? Omukazi yagezaako okukwata Eriya. Omwoyo ogwo gwe gumu, ogwali mu Yezeberi, gwali ne mu mukazi oyo. Era ekintu kye kimu kaakati kye kiri ne mu kkanisa ya Yezeberi ennaku zino. Kintu kye kimu.

Kati kyetegereze. Nga kya kuyiga kikulu kye tusanga wano! Era, kati, kyalabika nga abantu abo abanditedgedde. Yokaana yatandika okuboggolera abantu abo, bwe yayimirira awo, kyalabika nga abandibadde bamanya ng'omwoyo ogwo gwali gwa Eriya. Bandikitedgedde. Ekyo bwe kyali.

85 Kaakati, tulaba kati, era tuyise mu mirembe gy'ekkanisa, okusinziira mu Byawandiikibwa, nti twasuubizibwa okudda kw'Omwovo ogwo, mu kiseera ng'enkomerero enaatera okutuuka. Ekyo bwe kiri? [Ekihiina kiddamu, "Amiina." — Omuk.] Kale, bwe weetegereze, ojja kulaba ekikula kyagwo. Kati, tajja kutandikawo mulembe gwa kkanisa mulala, nga Luther, ne Wesley, n'abalala bona nga bwe baakola. Tajja kutandikawo kkanisa ndala, kubanga tekyaliyo mirembe gya kkanisa mirala gjija. Olaba? Tejja kubaayo mirala nate. N'olw'ekyo ateeqwaa okukirwanyisa, kubanga Omwoyo gwe gulibeerera ddala nga bwe baalinga emabega eyo, Omwoyo gwe gumu.

Nga bwe nagambye eggulo, Katonda Yakisanyukira okugukozesa emirundi esatu eg'yenjawulo. Ogwo gwe muwendo Gwe, ssatu, si bbiri; ssatu. Amaze okugukozesa emirundi ebiri, kaakati Agenda okugukozesa nate. Bw'Atyo bwe Yagamba, Yakisuubiza.

86 Kati weetegereze, a . . . Kati weetegereze, bwe Yakikola. Tajja kutandikawo kibiina kya ddiini, kubanga Omulembe gw'ekkanisa ogwa Lawodikiya gwe gusembayo. Kati omubaka, owa Malayika Owoomusanvu, nga ye Mubaka Owoomusanvu, eri omulembe gw'ekkanisa ogwomusanvu, ye muntu ajja okubikkula, ng'Akozesebe Omwoyo Omutukuvu, ebyama by'ebintu bino byonna. Ebigenda oku . . . Bameka abaabadde wano eggulo? Ka tulabe emikono gyammwe. Ndowooza, ekyo tekyetaagisa kukisoma. Mumamyi we kiri, e — essuula ey'e 10, olaba. Kale.

Kale.

87 Abaddaabuluzi bajja okuddaabulula mulembe gw'ekkanisa gwe baddirira. Kati olwo, nga abaddaabuluzi bazze ne baddaabulula e — omulembe gw'ekkanisa okuva gye gwali, kyokka n'eddayo mu nsi, olwo ne

batandika omulembe gw'ekkanisa omulala. Bulijjo, babadde bakikola bwe batyo. Era, ekyo twakiyiseemu. Olaba?

Amakulu nti, wano waaliwo omulembe gwa ekereziya enkatolika, ogwa ekereziya y'e Rooma Enkatolika. Luther n'ajja, omuddaabuluzi. Ayitibwa muddaabuluzi. Kati akola ki? Atandikirayo eyo okunenyeza ddala, era bw'akikola, awakanya ekereziya. Kati, ky'olina okusooka okumanya, akola ki? Azimba ekintu kye kimu kye yajja okufulumamu, ekkanisa endala.

Awo ne bafuna omulembe gw'ekkanisa omulala. Kale, ky'olina okusooka okumanya, olwo ne wajjavo . . . Omulembe gw'ekkanisa guli mu muvuyo ddala. John Wesley n'ajja, omuddaabuluzi omulala. Olaba, azimba omulembe gw'ekkanisa omulala. Mutegeera kye nngamba? Omulembe gw'ekkanisa omulala gwazimbibwa. Bonna baali baddaabuluzi.

88 Weetegereze, obubaka buno obusembayo, obw'omulembe gw'ekkanisa ogusembayo, si muddaabuluzi. Ye nnabbi, si muddaabuluzi. Ndaga wonna nnabbi n'omu eyali atandiseewo omulembe gw'ekkanisa. Si muddaabuluzi, wabula nnabbi. Abalala baali baddaabuluzi, naye si bannabbi. Singa baali, Ekigambo kya Mukama kijja eri nnabbi. Eyo y'ensonga kye baava bagenda mu maaso n'okubatiza mu "Kitaffe, Omwana, ne Omwoyo Omutukuvu," n'ebantu bino byonna ebirala, kubanga baali baddaabuluzi, so si bannabbi.

Naye ate baali basajja ba Katonda ab'ekitalo, era baalaba ebyetaago by'ebiseera bye baalimu. Ne Katonda n'Abafukako amafuta, era baatumibwa eyo ebintu bino ne babiyuzaayuza. Naye Ekigambo kya Katonda ekijjuvu tekyabajjira, kubanga tebaali bannabbi. Baali baddaabuluzi.

89 Naye mu nnaku ez'enkomerero, ateequa kuba nnabbi, okuleeta ebyama bya Katonda, kubanga ebyama bigenda kumanyibwa bannabbi bokka. N'olw'ekyo, ateequa kuba musajja oyo ajja. Kaakati mulaba kye nngamba? Tayinza kuba muddaabuluzi. Ateequa kuba nnabbi, kubanga ateequa kuba omuntu alina ekirabo ateekeddwawo, okufuna Ekigambo.

Kati, abaddaabuluzi abo baamanya nga waaliwo ekikyamu. Ekyo Luther yakimanya nti omugaati si gwe gwali mubiri gwa Kristo. era n'ayigiriza bw'ati, "Omutukuvu anaabanga mulamu lwa kukkiriza," era obwo bwe bwali Obubaka bwe. Era John Wesley bwe yajja, yalaba nga waaliwo okutukuzibwa, kale n'ayigiriza okutukuzibwa. Obwo bwe bwali Obubaka bwe. Olaba? Abapentekoote baaleeta Obubaka obw'Omwoyo Omutukuvu, n'ebirala. Naye mu nnaku ezisembayo, mu mulembe guno ogusembayo, omubaka si wa kutandika kuddaabulula kwonna, naye wa kutwala ebyama byonna ebyo abaddaabuluzi abo bye baalekayo, abikunngaanye wamu, abinnyonnyole abantu.

90 Ka nziremu okukisoma nate. Kimpulikikira bulungi nnyo! Nja — njagala okukisoma.

. . . ndaba malayika omulala ow'amaanyi nga akka okuva mu ggulu, ng'ayambadde ekire: . . . musoke . . . ku mutwe gwe, n'amaaso ge nga . . . enjuba, n'ebigere bye nga empagi ez'omuliro:

Kati, twalaba ekintu kye kimu, ng'ekyo Yali Kristo. Era tumanyi nti Kristo bulijjo ye Mubaka eri ekkanisa. Kale. Ayitibwa Mpagi ya Muliro, Malayika ow'Endagaano, n'ebirala.

Era yalina mu mukono gwe akatabo akabikkuse: . . .

[Kati, wano, Obubonero bubembuddwa. Tububembula kaakano. Naye, mu kino, ekintu kibikkuse]

. . . n'ateeka ekigere kye ekya ddyo ku nnyanja, n'ekya kkono . . . ku nsi,

N'ayogerera waggulu . . . eddoboozi ddene, ng'empologoma bw'ewuluguma: bwe yayogera . . . waggulu, ebibwatuka omusanvu ne byogera amaloboozi gaabyo. (Owange! Kituukiridde!)

Ebibwatuka omusanvu bwe byayogera amaloboozi gaabyo, nze Yokaana nali nga nngenda okuwandiika (Okuwandiika ki?) Kye baagamba: ne mpulira eddoboozi eriva mu ggulu (Katonda) nga lyogera nti, Teeka akabonero ku ebyo ebibwatuka omusanvu bye byogedde, so tobiwandiika. Tokiwandiika. (Olaba?)

Malayika gwe nnalaba nga ayimiridde ku nnyanja . . . n'ayimusa omukono gwe ogwa ddyo eri eggulu,

N'alayira oli aba omulamu emirembe n'emirembe, eyatonda eggulu n'ebirimu, n'ensi n'ebirimu omwo, n'enyanja n'ebirimu, nti tewalibeera kiseera nate:

91 Wekkaanye! Kati kino tokyerabira, nga bwe tweyongerayo. Naye mu nnaku (nnaku) z'eddoboozi ly'amayika owoomusanvu, . . .

Malayika oyo asembayo-malayika ow'oku nsi. Malayika ono yava mu Ggulu n'akka. Teyali Ye. Yava mu Ggulu, naye wano Ayogera ku ddoboozi lya Malayika Owoomusanvu. Malayika oyo ategheesa mubaka. Buli omu ekyo akimanyi. Era mubaka eri omulembe gw'ekkanisa. . . . mu nnaku z'eddoboozi lya malayika

owoomusanvu, bw'aliba nga agenda okufuuwa, ekyama (Obubonero Omusanvu, byonna, ekyama kyonna) *ekya Katonda ne kiryoka kituukirira, ng'enjiri bw'eri gye yabuulira abaddu be bannabbi.*

92 Ekyama kyonna kyanjuluziddwa. Obwo bwe buweereza bwa malayika oyo. Olaba? Olw'okuba obwa wansi nnyo, abantu babuyita waggulu. So, ng'ate, bujja kukakasibwa ddala. Bugenda kumanyibwa mu bulamba bwabwo. Mukiraba? Buli ayagala okubulaba asobola okubulaba. Mukiraba? Ky'ekyo. Naye abo . . .

Yesu Yagogera, nga bwe Yagamba ng'Azze, nti, "Mulina amaaso, naye temuyinza kulaba. Isaaya yagamba nti bwe mutyo bwe muli. Olaba? Mulina amatu, naye temuyinza kuwulira." Kati, bwe tutyo tukiraba nti . . .

Ekyo kyankanga. Ntunudde emabega eyo ku ssaawa eyo nga ndowooza nti ziri ssaawa nnya. Naye, ziweze, nze — nnina . . . Tezinnaba na kuwera ssatu, zibulako, olaba. Kale. Oh, abange! Kati ka tukifune.

93 Weetegereze. Kino nkyagala.

Abalala, baali baddaabuluzi, naye, olw'okuba abasajja ba Katonda ab'ekitalo, baalaba obwetaavu bw'ennaku ze baalimu, ne baleetawo okuddaabulula.

Naye Kubikkulirwa 10 yagamba nti Obubaka bwe bwali kubikkula, si kuddaabulula; okubikkula ebyama. Kubikkula byama! Kye Kigambo mu muntu. Abaebbulaniya 4 kigamba, nti, "Ekigambo kya Katonda kisala okusinga ekitala eky'obwogi obubiri, kifumita n'okwawula ne kyawula amagumba, era ne kibikkula ebyama by'omu mutima." Olaba? Omuntu ono si muddaabuluzi. Mubikkuzi, abikkula (ki?) ebyama bya Katonda. Awo amakanisa we gatabuliddwatabuliddwa, alijja n'Ekigambo kya Katonda ekintu n'akibikkula.

Kubanga, agenda "kuzzawa okukkiriza kw'abaana eri bakitaabwe." Okukkiriza okwasooka okwa Bayibuli kwa kuzzibwawo ne Malayika Owoomusanvu. Kati, oh, nga kino nkyagala! Ebyama byonna eby'Obubonero, ebyo abaddaabuluzi bye bataategeerera ddala mu bulamba! Mulaba?

94 Kati laba Malaki 4, mu kaseera katono. Kale, kiwandiike buwandiisi. Oyo nnabbi, era, "azzaawo okukkiriza okwa bakitaffe okwasooka." Kati tulindirira omuntu oyo okulabika. Aliba muwombeefu nnyo nti obukadde kkumi emirundi obukadde kkumi bali . . . Kale, walibaawo akabiina katono nnyo akalikitegeera.

Jjukira, olunaku luli, Yokaana bwe yaliasuubirwa okujja, kyalangibwa, nti omubaka alikulembera okujja kwa Kristo, "eddoboozi ly'oyo ayogerera waggulu mu ddungu." Malaki yamulaba.

Labayo, essuula eyookusatu eya Malaki kwe kujja kwa Eriya eyali ow'okujja okukulembera okujja kwa Kristo.

Ogamba, "Oh, nedda, nedda, Ow'oluganda Branham. Y'essuula eyookuna." Munsonyiwe.

Yesu Yagamba yali ssuula yaakusatu.

95 Kaakati mubikkule Omutukuvu . . . Bikkula omutukuvu Matayo,e — essuula 11 olunyiriri olw'omukaaga. Ajja —ajja kwogera kino. Ey'e 11 —

essuula ey'e 11, ndowooza lunyiriri lwa 6; olw'o 4, olw'o 5, oba

6, erudda awo. Yagamba, "Bwe muba mwagala okukikkiriza,"bwe yali Ayogera ku Yokaana, "ono y'oyo ayogerwako,'Ndituma omubaka Wange mu maaso Gange." Kaakati soma Malaki 3.

Abamu bagezaako okukikwataganya ne Malaki 4. Nedda,ssebo!

Kino si ky'ekyo!

Weetegereze Malaki 4, amangu ddala ng'omubaka oyo azze, ensi yonna eyokebwa n'omuliro, era abatukuvu bayingira mu Myaka Olukumi, nga batambulira ku vvu ly'abo. Kale, olaba, ekyo bw'okissa eyo ku ye, olwo — Bayibuli eba eyogera ekitaaliwo.

Tumazeeko emyaka enkumi bbiri naye ensi tennayokebwa muliro, era batukuvu bakyagirimu. N'olw'ekyo kiteekwa okuba nga kiri eyo mu maaso. Oh, owange! [Ow'oluganda Branham akuba mu ngalo omulundi gumu — Omuk.]

Bw'otuuka wano mu Okubikkulirwa, n'olaba omubaka oyo ku nkomerero y'omulembe ky'ateekwa okukcola, olwo onoolaba kye kitegeeza. Ateekwa kuba nnabbi. Ateekwa okukwata ebyalagaya bino abaddaabuluzi bye bataalaba, abiteekemu wano.

96 Oyinza otya okigeraageranya Matayo 28:19 ne Bikolwa 2:38, awatali kubikkulirwa kwa Katonda okw'omwoyo? Abantu bano bayinza batya okugamba nti ennaku ez'ebyamagero, zaayita n'ebirala bwe bityo, nga (huh!) tewali kubikkulirwa kwa Katonda?

Engeri yokka gye baliyinza okukimanyaamu, okumanya oba kituufu oba kikyamu! Olaba? Naye bayise mu zisseminaaliyo. Nsuubira tulina obudde okukiyigako.

Njagala kwanguwako, kubanga saagala kubakuumira wano kusukka wiiki nnamba, mumanyi kyenngamba, ku kino, okubikkula Obubonero buno. Nnina olunaku lumu, ate njagala okusabira abalwadde ku lunaku olwo, bwe kirisoboka.

97 Kaakati labayo, Malaki 4, nnabbi, era nga'akomyawo emitima gy'abaana ku kukkiriza kwa bakitaabwe.

Ku nkomerero, ng'ekibonyoobonyo kijja . . . Kaakati wano waliwo akantu katono ke tujja okuddayo emabega tulabe, mu kaseera katono, awo emyaka esatu n'ekitundu . . . Oba, ssabbiiti ensanvu eza Danyeri, ekitundu ekisembayo ekya ssabbiiti ensanvu eza Danyeri, ekitegeeza emyaka esatu n'ekitundu. Kati, ffe, ekyo bameka abakijjukira okuva mu mirembe gy'ekkanisa? [Ekibiina kiddamu, "Amiina." —Omuk.] Olaba? "Waaliyo ssabbiiti nsanvu ezaategekebwa." Mulabe nga bwe kyatuukirira ddala. Yagamba, "Masiya Alijja, era Alisalibwako, olw'ekiweebwayo wakati mu kitundu kya ssabbiiti, era n'ekiweebwayo kirikoma."

98 Olwo, eba ekyasigaddeyo emyaka esatu n'ekitundu egirindiriddwa okubuulira okuyigiriza okukwata ku Masiya eri Abayudaaya.

Kati Katonda Takolagana na Bayudaaya mu kiseera kye kimu n'Abaamawanga. Akolagana ne Isiraeri ng'eggwanga, Owaamawanga nga ssekinnoomu. Tatwalanga Baamawanga ng'Omugole We; Yatwala bantu kubaggya mu Baamawanga. Olaba? Kati Akolagana ne Isiraeri ng'eggwanga. Era kati ali awo akkalidde, awo wennyini, ng'eggwanga.

Olwaleero luno nfunye ebbaluwa eva ewa Pawulo, Pawulo Boyd. Era abadde antegeeza, anngambye, "Ow'oluganda Branham, nga kituufu nnyo! Abayudaaya bano bakyalinawo engeri gye batwalamu Abaamawanga, si nsonga kiki ekiguddewo." Mazima, bwe bajja okukola. Balina okukola bwe batyo.

99 Martin Luther bwe yalandirira, nti, "Abayudaaya bona bateekwa okugobwa, n'ebizimbe byabwe byokebwe kubanga baayigganya Kristo? Olaba? Martin Luther yakiwandiika, yennyini, mu biwandiiko bye. Kati, Hitler yatuukiriza butuukiriza ekyo Martin Luther kye yagamba. Ekyo Iwaki Martin Luther yakyogera? Kuba yali muddaabuluzi, so si nnabbi.

Katonda, Yagamba, "Nnabbi wange yawa Isiraeri omukisa, nti, 'Buli alikusabira omukisa aliweebwa omukisa, na buli alikukolimira alikolimirwa.'" Nnabbi omu ayimirira atya n'awakanya nnabbi omulala kye yagamba? Tasobola kukikola. Balina kuba nga bakkaanya, olaba.

100 Eyo y'ensonga kye bava bakola ebibiina . . . Labayo, Germany etwalibwa ng'ensi Enkulisiaayo, kyokka, bo, laba engeri gye bayisaamu Isiraeri! Bakyalina omuggo ku kibegaabega kyabwe, era toyinza kubanenya. Naye jjukira, oba waliwo Omuyudaaya ali wano, tofaayo, olunaku lujja! Katonda Tayinza kubeerabira. Baazibibwa amaaso ku Iwaffe.

Omanyi, yagamba nnabbi, a . . . Nnabbi yayogerera waggulu n'agamba, "Olyerabira Isiraeri?"

Yagamba, "Kwata omuggo ogwo ogupima; eggulu lyenkana wa obugulumivu? Ennyanja ekoma wa obuziba?" Yagamba, "Sisobola kugipima."

Yagamba, "Bwe ntyo nange bwe sisobola kwerabira Isiraeri." Abo be bantu Be, abaddu Be.

Era mu Baamawanga, muggyibwamu batono, ng'Omugole We. Bwe kiri ddala. Oyo ye Mugole.

101 Kati, ssabbiiti zino ensanvu ezaalagibwa, kituufu ddala, nga Danyeri bwe yagamba nti Masiya Alijja era Alisalibwako wakati wa ssabbiiti. Yesu Yalagulira emyaka esatu n'ekitundu. Kati, wakati w'emyaka gino esatu n'ekitundu egya Danyeri, wakati waagyo Yasalibwako. Era kati ekitundu ekisembayo, kye kiseera eky'ekibonyoobonyo, we wali ekkansa y'Amawanga. Oh, nga kino kikulu! Kati to . . . Omugole ayingira n'Anaawasa; olwo, oluvannyuma lw'emyaka olukumi, atambulira ku vvu ly'ababi.

102 Ka mbeeko kyembalaga wano, nga tukyakirowoozaako. Ka tubalage kye kigamba, Bayibuli ky'egamba. Ate tetuyinza kugaana nti kino Kigambo kya Katonda. Bwe tukikola, olwo tuba tuli bakaafiiri. Olaba, tuteekwa okukikkiriza. Ogamba, "Sikitegeera."

Era nange bwe ntyo. Naye mmulindiridde okukibikkula. Laba. Kubanga, laba, olunaku lujja, lwokya ng'ekikoomi; n'abaamalala bona, (nga Abamerica n'abalala), yee, . . . n'abo bona abakola obubi, baliba bisasiro: (Lugenda kwokya.) olunaku olujja, ndibookera ddala, bw'ayogera Mukama w'eggye, . . . butabalekerawo kikolo newankubadde ettabi.

103 Kati olwo omwo oyingizaamu otya ggeyeena Etaggwaa wo? Olaba, zino z'ennaku ezisembayo ebintu bino nga bibikkulwa. Teri kifo mu Bayibuli kigamba nti ggeyeena teggwaa wo. N'olw'ekyo, okubeera ggeyeena etaggwaa wo, otekwa okubeera n'obulamu obutaggwaa wo okugibeeramu. Obulamu Obutaggwaa wo bwa ngeri emu yokka, era ekyo kye tulafuubanira. Buli kintu, ekyaliko entandikwa,

kikoma. "Ggeyeena yatonderwa setaani ne bamalayika be," era eribengeya n'eggwaawo. Bwe kiri. Olaba? Naye kino bwe kiribaawo, "tekiribalekera mulandira n'ewakubadde ettabi."

Naye mmwe abatyaa erinnya lyange enjuba ey'obutuukirivu eribavirayo ng'erina okuwonya mu biwaawaatiro byayo; . . . kale mulifuluma ne muligita ng'ennyana ez'omu kisibo.

Era mulirinnyirira ababi; kubanga baliba vvu wansi w'ebigere byammwe ku lunaku lwe ndikolerako, bw'ayogera Mukama w'eggye.

Abakola obubi balibeera wa oluvannyuma lw'ekibonyoobonyo? Vvu.

Mujjukire . . . mateeka ga Musa . . . ge nnamulagirira . . . ku Kolebu olwa Isiraeri yenna, ebiragiro n'emisango. Laba, ndibatumira Eriya nnabbi olunaku olukulu olw'entiisa olwa MUKAMA nga terunnaba kutuuka:

104 Amiina! Wano Endagaano Enkadde eggwaako bw'etyo, era bw'etyo Endagaano Empya emaliriza n'ekintu kye kimu ddala. Ono okyesammula otya? Tosobola. Laba, "Ndibatumira Eriya nnabbi ng'olunaku olwo terunnaba kutuuka."

Era alikyusa omutima gwa bakitaabwe eri abaana, n'omutima gw'abaana eri bakitaabwe, nneme okujja ne nkuba ensi n'ekikolimo. (Uh!)

Ky'ekyo. Ekyo kye Kigambo kya Mukama. Yakisuubiza. Kiteekwa okujja.

105 Era kati singa weetegereza kino engeri gye kituukirira. Kirungi nnyo, engeri Katonda gy'Akikolamu.

Omugole avaayo, wamu n'Omugole Omusajja. Era — kati oluvannyuma lw'ekyo, omubi ayokebwa n'omuliro ogutazikira. Era oluvannyuma ng'ensi emaze okulongoosebwa, yezzaayo buto n'eddawo. Buli kintu kirina kukola kityo, kirina okuyita mu mbeera ey'okulongoosebwa.

Ensozi eziwandula omuliro ziritumbuka mu kiseera eky'ekitalo eky'enkomero, ensi eryabika, era eribejjagala, eritutunukayo; era ebantu bino byonna omusibuka ebibi, n'ebyo byonna ebiri ku nsi, birisaanuusibwa ne bifuuka muyonga. Eribengeya mu kwokya okungi, ekyo kiriba nga ekisaanuusa ekyo ekikyusa e — erangi eya — eya bwino okugizza mu butonde bwayo obwasooka. Bwe gutyo omuliro oguva eri Katonda bwe guliba gwokya, ogulikyusa buli kazambi yenna addeyo mu mbeera ye eyasooka, olwo Setaani n'ekibi kyonna, nga bimaze okwokebwa. Olwo erivaamu nga nnungi nga bwe yali mu Lusuku Adeni. Ky'ekyo. Oh, essaawa eyo ey'ekitalo etusemberedde!

106 Mu kiseera eky'ekibonyoobonyo. Wano we wali ekyo kye njagala mwetegereze kati, akantu katono kati ke ntaddemu wano. Mu kiseera eky'ekibonyoobonyo kino, ng'Omugole amaze okuyitibwa afulumye, era ng'ekkanisa eyita mu kiseera eky'ekibonyoobonyo, abo emitwalo ekkumi-ena-mu-enkumi-nnya bayitibwa abajulirwa ababiri abali mu Okubikkulirwa 11. Kati laba. Baliragula, okumala ennaku lukumi-mu-bibiri-mu-nkaaga, nga bambadde ebibukutu.

107 Kati, tumanyi kalenda eno ey'Abaruumi erina . . . Tulina ennaku abiri-mu-munaana ate era, oluusi, n'asatu n'asatu-mu-olumu, naye, mu butuufu kalenda esoma bw'eti, ennaku asatu buli mwezi. Bwe kiri. Kati ddira ekikumi . . . ennaku lukumi-mu-bibiri mu- nkaaga, oyongerekko asatu, olabe ky'ofunye. Emyaka esatu-n'ekitundu, gyennyni mu mpeke. Ekyo ky'ekiseera ekyalagirwa, ekyo ky'ekiseera ekiweereddwayo Obubaka bwa Masiya bubuulirwe mu Isiraeri, nga bwe kyali luli. Bw'Alidda ne Yeeyanjula, mu kifaananyi we yajjira...

108 Yusufu, bwe yatwalibwa mu nsi, baganda be ne bamwegaana, kuba yali muntu wa mwoyo. Yayolesebwanga ate n'avvuunula ebirooto. Era bwe yakola bw'atyo, yawanngangusibwa, n'atundibwa ebitundu bya ffeeza ng'asatu. Mazima ddala, yalaga Kristo, kubanga gwali Mwoyo gwa Kristo mu ye.

Weetegereze ekyabaaawo ku olwo. Era weetegereze nti, ekyo bweyakikola, yassibwa mu kkomera, omuntu omu n'alokoka omulala n'abula. Ddala nga Yesu, bwe Yali mu kkomera ku musaalaba, omubbi omu yalokoka ate oli omulala n'abula, mazima ddala.

Baamusuula mu ntaana, ne balowooza nti afudde, naye yaggibwamu, n'akuzibwa n'atuula ku mukono ogwa ddyo ogwa Falaawo, nga teri ayinza kulaba Falaawo nga tasoose kulaba Yusufu. Yesu Atudde ku mukono ogwa ddyo ogwa Katonda, era teri n'omu ajja eri Kitange okuggyako ng'ayise mu Mwana. Bwe kiri.

109 Kati weetegereze, buli kaseera Yusufu ke yavaawo, Yusufu bwe yalinnyanga okuva ku mukono ogwa ddyo ogwa nnamulondo. Wekkaanye! Kitiibwa! Yusufu yatuula ku mukono ogwa ddyo ogwa Falaawo. Era Yusufu bwe yasitukanga, okuva ku nnamulondo eyo, ekkondeere ne livuga. "Muvunname, buli omu! Yusufu ajja!"

Omwana gw'Endiga Oyo bwe yava ku Nnamulondo, erudda eyo, n'ennaku Ze ez'okutabaganya,

bw'Ava ku Nnamulondo eyo, n'Akwata Ekitabo eky'Obununuzi n'Ajja, buli vviivi lirivunnama. Weetegereze. Wuuyo awo.

110 Kati Yusufu, bwe yagaanibwa baganda be, yaweebwa omukazi ow'Amawanga. Potifaali yali amuwadde . . . Manyanga, Falaawo yali amuwadde o—omukazi Munaggwanga, n'azaala abaana Abaamawanga, eno Bannaggwanga ate eno Bayudaaya. Bawa ekifaananyi eky'ekitalo. Yakobo bwe yali abawa omukisa, Efulayimu ku ludda olumu ne Manase ku lulala, yawaanyisa emikono gye n'awa omwana omuto omukisa. Abaana abo ababiri ne bayingizibwa mu bika ekkumi n'ebibiri, ebyali ekkumi byokka mu kiseera ekyo, era n'abaweera omukisa mu Yakobo yennyini.

Yusufu, nnabbi mutabani we, ng'ayimiridde awo yagamba, "Kitange, osobezza." Nti era, "Otadde omukono gwo ogw'omukisa ku mwana omuto, so nga gwandibadde ku mukulu."

Era n'agamba, "Mmanyi nti nnawaanyisizza emikono gyange, naye Katonda y'Agiwaanyisizza." Lwaki? Isiraeri, bwe yalina omukisa okuba Omugole, n'agugaana n'atunda obusika bwe, era nga . . . buva ku mutabani we omukulu, Isiraeri, ne budda ku mupya, ow'Amawanga. Emikisa ne giva awo, ne gigenda ku muto okuyita mu musaalaba.

111 Naye weetegereze oluvannyuma Iw'ekyo, laba, okuyita mu ekkyo, nga byonna . . . Yatwala Omugole We. Naye abalenzi abo bwe baaserengeta okugula emmere . . .

Oh, nga kifaananyi kiyitirivu! Nvudde ne ku Kabonero, naye nnina okukyogera, labayo, kubanga awo mujja kufuna ekifaananyi okusingako, nzikiriza. Weetegereze.

Kati, bwe bakkirira okugula emmere, omanyi, Yusufu yabategeererawo. Era Yusufu yali mwana ow'omukisa. Buli gye yagendanga, si nsonga wa gye yagendanga, waakulaakulananga.

Ggwe linda Iwalikomawo ku nsi nate; lindako Yusufu waffe ajje! Olaba? Eddungu lirisansula ng'ekiyiriki, n'Enjuba ey'Obutuukirivu eribaviirayo ng'erina okuwonya mu biwawaatiro byayo. Oh, owange! Ebigagi ebyo byonna ebyetoolodde Arizona biryeyanjuluza n'ebifuuka omuti omulungi, era — era kiyitirivu.

112 Weetegereze, kati ajja, era abazanya akakodyo eyo. Ayimirira, n'abagamba, "Kitange akyali mulamu?" Olaba? Yayagala okumanya oba kitaawe w'omulenzi oyo yali akyaliwo. Ko bo, "Yee." Yamanya nti oyo yali muganda we. Naye weetegereza we yeetegekera okwebikkulira baganda be?

Kati ate n'alaba ka Benyamini, akaali kazaaliddwa ng'agenze. Ekyo kifaananyi kya Bayudaaya abo, emitwalo ekkumi-n'ena-mu-enkumi-ennya abakunngaanira eyo kati kasookedde Agenda. Kati bw'Alidda, yagamba . . . Yatunula ku Benyamini; omutima gwe ne gwagala okwabika.

Kati, jjukira, baalina . . . ye . . . tebaamanya nti ayinza okwogera Olwebbulaniya. Baamuleetera omuvvuunuzi. Yeefuula ng'Omumisiri. Olaba?

113 Kati olwo bwe kyamanyibwa, yali ayagala okwelianjula, yali awo ng'atunuulidde ka Benyamini. Kati, jjukira, Yagobawo mukazi we. Bwe yeeyanjula eri baganda be mukazi we yali mu lubiri.

Kati Omugole ow'Amawanga, omukazi, Yesu ng'Amaze okuboolebwa abantu Be, Awasizza Omugole Munnaggwanga. Awo Alimuggyawo, n'Amutwala mu lubiri, mu Nnyumba ya Kitaawe mu Kitiibwa, ku Kyeggulo eky'Embaga. Olwo Alyemulula, n'Ajja okwelianjulira baganda Be, emitwalo ekkumi-n'ena-mu-enkumi ennya . . . ? . . . ekiseera ekkyo.

Wuuyo awo Ayimiridde. Era, jjukira, tunuuulira ebifaananyi ebituukiridde.

114 Era bw'akomawo wano kino we kyali, yabatunuulira, n'agamba — yagamba . . . okutandika okulaba. Ne batandika okwogera. Ne bagamba, "Kati, Lewubeeni, omanyi kati zitusanze kati, mukiraba. Kubanga, omanyi kye twakola. Omulenzi ono twamusuula mu bunnya. Kati, tetwanditunze muganda waffe."

Oyo yali muganda waabwe ng'ayimiridde awo, omulangira oyo ow'amaanyi, ate nga tebaakimanya.

Eyo y'ensonga Iwaki Isiraeri tasobola kumutegeera leero. Si y'essaawa ey'okukimanya.

Era olwo, ye, baalowooza nti tasobola kutegeera Lwebbulaniya, naye nga abawuliriza. Baagamba, "Kati zitusanze."

115 Yusufu, bwe yabatunuulira, yali tayinza kwongera kukigumira.

Kati, jjukira, abaana be ne mukazi we baali mu lubiri mu kiseera ekkyo. abatukuvu nga bavuddewo, awo waali.

N'agamba, "Nze Yusufu, muganda wammwe." N'adduka mangu, n'akwata ka Benyamini, n'akanywegera, n'atandika okukaaba. Mulaba? Awo n'abeeyanjulira.

Awo ne bagamba, "Kaakati, tumanyi nti zitusanze, anti twamutunda. Ffe ffennyini ffe twamutunda. Ffe twali tugeezako okumutta, kati tumanyi ajja kututta."

Yagamba, "Nedda, temwennyamira, mwakikola kutaasa bulamu. Katonda kye Yava Ansindika eno."

Era bwe Yeeyanjula, Bayibuli egamba . . . nga bwe tukiyitamu. Bwe Yeeyanjula eri emitwalo ekkumi-ena-mu-enkumi-ennya, oyo nga ye Benyamini owa leero, n'Abayudaaya abaafikkawo; bw'Alyeyanjula ,baligamba, "Enkovu ezo wazijja wa? Zikola ki mu ngalo zo?"

Alibagamba, "Oh nnazifunira mu nnyumba yamikwano gyange." Olaba?

116 Oh, olwo balitegeera nti batta Masiya. Naye Aligamba ki? Kye kimu nga Yusufu kye yakola. "Mwakikola kuwonya bulamu; temu . . . kuwonya bulamu. Temwenakuwalira." Kubanga nti, Abaamawanga tebandiyingidde, singa ekyo

Abayudaaya tekyabaziba amaaso. N'olw'ekyo, okuyita mu bintu bye baakola Yawonya obulamu bw'ekkanisa. Bwe kityo bwe kiri. Eyo y'ensonga, leero, ebaziyyiza kino okukitegeera; si ye ssaawa.

Nga naffe bwe tutayinza kutegeera bintu bino okutuusa ekiseera kyabyo okutegeerwa. Oh, abange!

117 Ebibwatuka Omusanvu eby'omu Okubikkulirwa, nsaba Ye Alage Omugole engeri y'okweteekateeka olw'okukkiriza okw'okuwaanyisibwa!

Kati, twanguweko, kubanga tetukyalina ddakiika ziwera kkumi-na-ttaano oba abiri.

Kati, embalaasi eno enjeru etegeeza ki? Ka nsome e . . . Nga mbadde mpabye nnyo; munsonyiwe olw'okuva ku ky'okuyiga kye mbaddeko. Naye nja kuddamu okusoma olunyiriri olwo nate, ennyiriri ebbiri.

Ne ndaba Omwana gw'endiga bwe yabembula ku bubonero omusanvu ko akamu, ne mpulira, ekimu ku biramu, nga kyogera ng'eddoboozi ery'okubwatuka nti, Jjangu . . . olabe. Ne ndaba, era laba, embalaasi enjeru : . . .

Kati, tugenda ku lunyiriri lwa 2

. . . . embalaasi enjeru: n'oyo atuddeko ng'alina omutego; n'aweebwa engule, (mu kusooka teyagirina) . . . muweebwa: n'agenda ng'awangula era awangula.

[Bwe kityo bwe kiri. Ako ke kabonero]

118 Kale ka tulabe ebifaananyi.

Twalabye okubwatuka kye kutegeeza. Ekyo kituufu ddala, tukimanyi, olaba. Okubwatuka lyali Ddoboozi Iya Katonda, Akabonero bwe kaabembulwa.

Kati, embalaasi enjeru etegeeza ki? Kati, wano we wali okubikkulirwa. Kino nkikakasiza ddala, okufaanana nga bwe nnyimiridde wano, nga mmanyi nti kino kye Kigambo.

Nsomye buli kitabo ekikikwatako kye ntuukiridde. Era awamu ne . . . Nze . . . Omulundi ogwasembayo bwe nnali nagezaako okukiyitamu, nga nkisomesa, emyaka ng'asatu egiyise, nnaddira ekitabo . . . Waliwo omuntu eyanngamba nti aba Advent baalina okutegeezebwa okusingako ku kudda kwa Kristo okwokubiri okusinga abantu bona be bamanyi, kale nafuna ebimu ku bitabo byabwe ebirungi, ne mbisoma. Nafuna ekitabo kya Smith, ku Kubikkulirwa kwa Danyeri. Yagamba nti embalaasi eno enjeru eyafuluma yali njeru, era kyali kifaananyi eky'omuwangizi. Era mu buwanguzi buno . . .

Bangi ku mmwe ab'oluganda aba Advent abali wano ekitabo ekyo mukimanyi, era bangi ku mmwe, nammwe mukisomye. Era — era ebirala, nasoma bibiri oba bisatu. Nabisoma, sijjukira . . . Waliwo n'ebirala bibiri oba okusingawo bye nasoma, era nga bona bakkiriza nti yali mutuufu. [Ow'oluganda Branham akonkona ku kituuti emirundi etaano — Omuk.] Baali bayigiriza balungi, abalowoozebwba okuba abasingayo obulungi, n'okutegeezebwa okusingayo obulungi. Kale nalowooza, "Kale, oba simanyi, nja kwogera ekyo kye baayogera, ngezeeko okukisomesa bwe ntyo."

Baakinnyonnyola bulungi, kiki ddala kye kitegeeza.

119 Kati yagamba, "Kale, eno ye mbalaasi enjeru, nga embalaasi enjeru ge maanyi, nnumbaganyi." Nti, "Oyo eyatuula ku mbalaasieyo, eyali e — embalaasi enjeru, ye Mwoyo Omutukuvu eyafuluma mu mulembe ogwasooka n'awangula omulembe ogwo eri Obwakabaka bwa Katonda. Yalina omutego mu mukono gwe, ekitegeeza, yalinga katonda wa Rooma, (Cupid) eyasoyanga obusaale obw'okwagala mu mitima gy'abantu, okwagala kwa Katonda, era n'Awangula."

Kale, ekyo kiwulikika bulungi nnyo, naye si ge mazima. Nedda, ssebo. Yee. Si bwe kyali. Ekyeru kitegeeza obutuukirivu. Ffe — ekyo tukitegeera. Obweru kitegeeza obutuukirivu. Abayigiriza abo baakisomesa, nti yali Omwoyo Omutukuvu nga Awangula mu mulembe ogwasooka; naye mu kubikkulirwa

kwange, ku bw'Omwoyo Omutukuvu, tekiri bwe kityo.

Mu kubikkulirwa kwange, ku lw'Omwoyo Omutukuvu, kiri nti; Kristo n'Omwoyo Omutukuvu Omuntu y'Omru, naye mu ngeri njawufu. N'olw'ekyo, wano Kristo Ayimiridde, ng'Omwna gw'Endiga. Tumanyi nti ye Yali Omwna gw'Endiga. Ali wano Ayimiridde Akutte Ekitabo mu mukono Gwe; ate wali omuvuzi w'embalaasi enjeru afuluma, Olaba, kale, teyali Mwoyo Omutukuvu.

120 Kati, ekyo kye kimu ku byama by'ennaku ez'oluvannyuma, nga Kristo bw'Ayinza okubeera abasatu mu Omu. Abantu si basatu ab'enjawulo, Kitaffe, Omwna, n'Omwoyo Omutukuvu, okubeera bakatonda abasatu, ng'aba Tirinita bwe batugamba nti bwe kiri. Kweyleka kwa ngeri ssatu ez'Omuntu y'Omru.

Oba, oyinza okukiyita woofiisi ssatu. Bw'oba oyogera eri abaweereza, tewandikozesezza woofiisi; kubanga, kati, ndowooza, ndi ku lutambi. Kale nja kubabuulira . . . Kwo okuba, Kristo teyandyogedde, "Ndisaba woofiisi yange, nayo eribaweeresa woofiisi ndala." Ekyo tukimanyi. Naye ng'oyagala okukitegeera . . . kiri ebitiibwa bisatu ebya Katonda y'Omru. Olaba? Si bakatonda basatu. Ebitiibwa bisatu ebya Katonda y'Omru! Mulaba?

121 Kale olwo Kristo Yandisobodde Atya okufuluma, ku mbalaasi enjeru, nga Awangula, ate nga Ayimiridde wano n'Ekitabo mu mukono Gwe? Si bwe kiri, n'akatono. Si ye Kristo.

Ka tubikkule Okubikkulira 19:11 , mukaaga . . . Ka tukisome mu bwangunga tu — nga tu . . . Tulina obudde obumala, nsuubira, ekyo kijja kutuyamba okusingawo. 19, 19:11, Tandikira ku lunyiriri olw'e 11, osome ng'okkirira, okuzingiramu n'olw'e 16.

Ne ndaba eggulu nga libikkuse, . . . laba embalaasi enjeru; (si ku nsi; mu Ggulu, mulaba)

. . . n'eyali

agituddeko, ayitibwa Mwesigwa . . . Amazima, . . . mu butuukirivu asala emisango era alwana.

Era n'amaaso ge gwe . . . muliro ogwaka, ne ku mutwe gwe engule nnyingi; (mulabe omuge!); era ng'alina erinnya eriwandiikiddwa, omuntu yenna ly'atamanyi, wabula . . . ye yekka.

122 Nandyagadde okuyimirirako wano katono nnyo. [Ow'oluganda Branham akonkona ku kituuti omulundi gumu, n'asiriikiriram — Omuk.] Oh, owange! Nfunye akalowoozo akalungi, naye . . . oba oli awo nange, singa mu . . . [Ekibiina kiddamu, "Genda mu maaso!"]

Olaba, teri akimanyi. Mumanyi nti Erinnya lya "Yakuwa" (Jehovah) si ttuufu? Buli omu akimanyi. Dr. Vayle, ekyo okimanyi kituufu. Abavvuunuzi tebakiterezanga. Ennukuta zaalyo J-uh-v. . . J-v-h-u, kye ntegeeza. Teriri "Yakuwa." Tebaalikwatako. Tebaamanyi kye liri. Baaliyita "Yakuwa," naye si lye lyali Erinnya Lye.

Laba, buli mulundi lwe wabaawo obuwanguzi, erinnya likyusibwa.

123 Mutunuulire ennaku za Ibulayimu. Okusooka, yali, Ibulaamu, era yali tayinza kuzaala mwana oyo okutuusa erinnya lye lwe lyakyusibwa ne liyitibwa Ibulayimu. Era Salaayi, S-a-a-l-a, olubuto lwe Iwali lufu okutuusa erinnya lye lya kyusibwa n'ayitibwa S-a-a-l-a.

Yakobo litegeeza "munyazi, omulimba," era ekyo kye yakola. Yayambala eddiba ly'endiga, n'alimba kitaawe nnabbi, okutwala obusika. Yateeka obutiiiti bw'omulibine mu mazzi, n'abutonaatona, okutiisa ente ez'amawako nga . . . N'obuyana bwazo, okufuna ente n'endiga ez'amabala. Mulimba mwereere!

Naye lumu yawkata ku kintu ekya nnamaddala, era yamanya nga kya nnamaddala. Yasigala nakyo, n'akinyweza okutuusa lwe yawangula. N'erinnya lye ne likyusibwa, n'ayitibwa Isiraeri, ekitegeeza "omulangira ow'amaanyi mu maaso ga Katonda." Si bwe kiri? [Ekibiina kiddamu, "Amiina." — Omuk.] Buli awangula!

Simooni yali muvubi. Naye okukkiriza kwe bwe kwakwata, n'amanya nti Oyo Ye Yali Yesu, bwe Yamugamba nti Ye Yali Masiya, n'Amutegeeza erinnya lye kye lyali n'erya kitaawe kye lyali, yawangula, n'akyusa erya Simooni n'afuuka Peetero.

Sawulo, linnya ddungi. Sawulo, lumu yali kabaka wa Isiraeri, naye, Sawulo, teyasaanira kuba mutume. Liyinza okuba eddungi ku kabaka, naye si ku mutume. Kale Yesu Yakyusa erinnya lye (okuva mu ki?) Eyal Sawulo n'afuuka Pawulo. Tunuulira "abaana ab'Okubwatuka," era n'okukka wansi.

124 Kati, Yesu, Erinnya Lye ku nsi lyali "Mununuzi," Yesu. Bwe yali ku nsi, Ye Yali Omununuzi, bwe yali. Naye bwe Yawangula okufa n'amagombe, bwe Yabiwangula, n'Alinnya mu ggulu, Yafuna erinnya eppya. Eyo y'ensonga Iwaki baleekaana bwe batyo, era ne bataggyaamu kintu kyonna.

Kiribikkulwa mu Bibwatuka. Uh-huh Mulaba?

125 Weetegereze ebyama. Ajja, yeebagadde . . . Wateekwa okubaawo ekintu okukyusa Ekkansa eno. Ekyo mukimanyi. Wateekwa okubaawo ekintu. Mwetegereze, "Tewali n'omu yali amanyi, okuggyako Ye." Kati, weetegereze, "Tewali n'omu yali amanyi okuggyako Ye."

"Era ng'ayambadde ekyambalo ekyamansirwako omusaayi: n'Erinnya lye ne liyitibwa Kigambo kya Katonda.

Oh, abange! Weetegereze!

N'eggye ery'omu ggulu ne limugoberera ku mbalaasi enjeru, nga bambadde bafuta, enjeru ennungi.

Ne mu kamwa ke muvaamu ekitala eky'obwogi, ateme amawanga nakyo: era alibafuga n'omuggo ogw'ekyuma: era alirinnya essogolero ly'omwenge gw'obusungu bw'obukambwe bwa Katonda Omuyinza w'ebintu byonna.

Era alina ku kyambalo kye ne ku kisambi kye erinnya eriwandiikiddwa nti, KABAKA WA BAKABAKA, ERA MUKAMA W'ABAAMI.

126 Wuuyo Masiya ajja. Wuuyo; si ono ku mbalaasi wano. Tunuulira enjawulo. Wano Ayimiridde n'Ekitabo mu mukono Gwe, wano, omulimu ogw'okununula gwaka . . . Tannaba kutwala kifo Kye. N'olw'ekyo, teyali Kristo eyafuluma, Omwoyo Omutukuvu.

Siwakanya bantu abo ab'ekitalo. Nedda, ssebo, sikkola. Sandyagadde kukikola, naye kino kwe ku — kwe kubikkulirwa kwange ku kyo. Mulaba? Oba olinawo eky'enjawulo, kale, ekyo kirungi, naye si kirungi gye ndi. Olaba, nze—nkikkiriza bwe ntyo. Olaba, kati, ekyo mukimanyi. Mulaba?

127 Kati, mwetegereze. Kristo Taddamu kulabika wantu wonna, olaba, okuva mu kiseera ekyo. wabula era Naye Ali ku mbalaasi njeru. Oba omuntu ono avuga mbalaasi njeru, agegeenya bugeegeenya Kristo. Olaba? Ekyo mukifunye? [Ekibiina kiddamu "Amiina." — Omuk.]

Weetegereze, avuga embalaasi njeru talina linnya lyonna. Ayinza okukozesa ebitiibwa bibiri oba bisatu, olaba, naye talina linnya lyonna.

Naye Kristo Alina Erinnya! Linnya ki? Ekigambo kya Katonda. Ekyo kye liri. "Ku lubereberye waaliwo Kigambo, Kigambo n'aba awali Katonda, Kigambo n'aba Katonda. Era Kigambo, n'afuuka omubiri." Olaba?

128 Omuvuzi talina linnya, kyokka Ye Kristo ayitibwa "Kigambo kya Katonda." Ekyo ky'Ali. Bw'Atyo bw'Ayatibwa. Kati alina Erinnya omuntu yenna ly'atamanyi; wabula ayitibwa, "Kigambo kya Katonda." Omuntu ono talina linnya, olaba, naye ali ku mbalaasi enjeru.

Omuvuzi talina busaale bwa mutego gwe. Wakirabye? Yalina omutego, naye teri kyogeddwa ku busaale, kale atekwa kuba mugumaaza. Ky'ekyo. Oba oli awo abwatuka nnyo, naye si eraddu. Naye ojja kukiraba, Kristo Alina byombi eraddu, n'okubwatuka, kubanga mu kamwa Ke muvaamu ekitala eky'obwogi obubiri, era atema amawanga. Omusajja ono tasobola kubaako ky'akuba, olaba, munnanfuusi. Agenda, ng'ali ku mbalaasi enjeru, agenda okuwangula.

129 Kristo Yalina ekitala eky'obwogi, era, wekkaanye, kiva mu kamwa Ke. Ekigambo Ekiram, nga ekyo, kye Kigambo kya Katonda ekibikkuddwa eri abawereza Be. Nga bwe Yagamba Musa, "Genda, oyimirire awo, okwate omuggo ogwo; oyite ensowera," era ensowera zajja. Mazima ddala. Buli kye Yayogera, Yakikola; era kyatuukirira, Ekigambo kya Katonda Ekiram.

Katonda ne Ekigambo Kye Muntu y'Om. Katonda kye Kigambo.

Olwo omuvuzi ono atategeerekeka ow'omulembe gw'ekkanisa ogusooka ye ani? Ye ani? Katukiroozeko. Omuvuzi ono atategeerekeka y'ani atandikira mu mulembe ogusooka ogw'ekkanisa n'agendera ddala ng'avuga okutuukira ddala mu Butakoma, agenda kutuuka ku nkomerero.

130 Akabonero akookubiri katandika era ne kagendera ddala ne kayitawo okutuuka ku nkomerero. Akabonero akookusatu katandika kayitiramu ddala okutuuka ku nkomerero. Akookuna, Akookutaano, Akoomukaaga, Akoomusanvu; buli kamu ku bwo, kamaliririza wano ku nkomerero. Kaakati ku nkomerero, Ebitabo bino ebyazingibwako ekiseera kino kyonna, n'ebayama bino ebibirim, bibembuddwa. Awo nno ekyama kyeyoleka, okulaba kye kiri. Naye, mu butuufu, byatandikira mu mulembe gw'ekkanisa ogusooka, kubanga ekkanisa, omulembe gw'ekkanisa ogusooka, gwafuna Obubaka nga bun. [Ow'oluganda Branham akonkona ku kituuti emirundi esatu —omuk.]

"Omuvuzi w'embalaasi enjeru yafuluma." Olaba? Ye ani oyo? Wa kitalo mu maanyi ge ag'okuwangula. Muntu wa kitalo mu maanyi ge agawangula. Mwagala mbabuulire oyo kyali? Ye mulabe wa Kristo. Ekyo ddala kyali. Kati, kubanga, olaba, mulabe wa Kristo; oyo Yesu gwe Yagamba, nti, "Byombi biriba bifaaanana nnyo okutuusa lwe kiribuabuza n'omulonde yennyini, (Omugole) singa kyali kiyinzika." Mulabe wa Kristo, gwe mwoyo omulabe wa Kristo.

131 Jjukira, mu mirembe gy'ekkanisa, bwe twabikkula omulembe gw'ekkanisa ogusooka, twakizuula nga Omwoyo Omutukuvu Yaliko ekintu ky'Akyakyawa ekyatandikira mu mulembe gw'ekkanisa ogwo, era ekyo kyayitibwa "ebikolwa by'Abanikolayiti." Mukijjukira? [Ekibiina, "Amiina." — Omuk.] Nikao kitegeeza "kuwangula" (kuwamba). Laity kitegeeza "ekkanisa," abagoberezi.

Nikolayiti, "okuwamba abantu." "Ddira Omwoyo Omutukuvu omuggye mu kkanisa yonna ogikwase omuntu omu omutukuvu. Muleke agifuge yonna." Ekyo mwakiyitamu, olaba, obwa Nikolayiti.

Weetegereze, obwa Nikolayiti yali "e — enjogera," mu kkanisa. N'efuuka "enjigiriza," mu mulembe gw'ekkanisa ogwaddirira. Era mu mulembe ogw'ekkanisa ogwokusatu, kwali "kuwaliriza," ne baba n'olukiiko lwe Nikyeya. Olwo n'efuulibwa e — enjigiriza mu kkanisa.

132 Era kiki ekyasooka okubeerawo? Kyavaamu ekibiina! Kati, ekyo si bwe kiri? ["Amiina."]

Mbuulira ekklesia ey'ekibiina ekitegeke eyasooka gye yava. Ekereziya y'e Rooma Enkatolika!Mbuulira oba nga mu Okubikkulirwa si bwe kigamba, mu kitabo ky'Okubikkulirwa 17, nti, "Yali mwenzi, ne bawala be baali bamalaaya." Ky'ekyo kyennyini eri abo abeegatta naye, "bamalaaya." "Batutte eby'omuzizo, n'obugwagwa obw'obukaba bwabwe, okuba enjigiriza." "Nga bayigiriza amateeka g'abantu nga eby'okukwata."

133 Weetegereze. Laba, agenda awangula. Weetegereze, talina ngule. Omuvazi w'embalaasi enjeru, gwe njogerako wano. Mulaba? "Omutego; n'engule byamuweebwa, oluvannyuma." Olaba? Okusooka, yali talina ngule, naye engule yamuweebwa. Weetegereze, oluvannyuma yaweebwa engule, ddala, yalina ssatu nnamba, ssatu ku emu. Ekyo kyali emyaka 300, oluvannyuma Iw'olukiiko Iw'e Nikyeya bwe yatandika, ng'omwoyo ogwa Nikolayiti, okukola ekibiina ekitegeke mu bantu. Era ne gugendera ddala, mu maaso, ne gweyongerayo, ne gufuuka "enjogera," okuva awo ne gufuuka "enjigiriza."

134 Mujjukire, Kristo nga Ayogera eri ekklesia, Yagamba, "Okyawa ebikolwa by'Abanikolayiti, nange, bye Nikyawa." Okugezaako okuwamba, ng'oddira Omwoyo Omutukuvu n'omussa ku muntu omu; asonyiwenga ebibi na buli kimu.

Era ekyo twakisoma, Pawulo ng'akyogerako. Ekintu ekyo kiribaawo mu nnaku ez'enkomerero. Era yali tasobola kulabisibwa okutuusa ennaku ez'enkomerero. "Olwo, Oyo aziyiza, aliggyawo Omwoyo wa Katonda; olwo oli n'alyoka yeebikkula."

Leero yeekwese mu kifaananyi eky'embalaasi enjeru. Wekkaanye nga bwakyusa okuva ku mbalaasi eyo enjeru, mu kaseera akatono. Tafuuka kuva ku mbalaasi njeru kyokka; naye era afuuka ensolo ey'emitwe emingi n'amayembe. Okiraba? Okiraba?Embalaasi enjeru, kati mulimba, era eyo y'ensonga Iwakiabantu tebakimanyiiko ebbanga lino lyonna. Baakirowoozako. Naye kati kiikino wano, kigenda kubikkulwa Ebyawandiikibwa.

135 Weetegereze. Nikolayiti, olaba, omulabe wa Kristo, ku nkomerero bwatuula mu muntu, olwo atikkirwa engule. Bwatandika, ng'omwoyo gwaNikolayiti mu kkanisa, guba mwoyo. Toyinza kutikkira mwoyo. Naye nga wayiseewo emyaka 300, yafuuka ppaapa, olwo baamutikkira. Okusooka, teyalina ngule. Naye yafuna engule, oluvannyuma, olaba, omwoyo ogwo bwegwayingira mu muntu. Olaba? Yafuuka omuntu. Enjigiriza ya Nikolayiti yafuuka omuntu, olwo baasobola okumutikkira. Baali tebayinza kumutikkira, kubanga, yali akyali njigiriza.

Kya kitalo! Weetegereze! Omwoyo ono Omutukuvu gwe tulina, bw'Atuula mu ffe, Oyo Ali wakati mu ffe kati mu ngeri y'Omwoyo Omutukuvu, atuula ku ffe, ng'Omuntu Yesu Kristo, tulimuttikkira Kabaka wa Bakabaka. Bwe kiri. Olaba?

136 Kaakati, jjukira, awo nga Kristo Anaatera okutwala Nnamulondo, omulabe wa Kristo yajja ku ntebe, Yuda. Mu kiseera Kristo kye Yaviirako ku nsi, Yuda yava ku nsi. Kumpi mu kiseera kye kimu Omwoyo Omutukuvu we Yakomerawo, n'omulabe wa Kristo we yakomerawo.

Omanyi, Yokaana yagamba wano, "Abaana abato, saagala mmwe obutategeera, mumanyi, eby'omulabe wa Kristo, oyo amaze okujja era ng'akolera mu baana ab'obujeemu." Olwo omulabe wa Kristo, oyo, yatandika okuyingiza omwo omwoyo gwa Nikolayiti, okukola ekibiina ekitegeke.

Eyo y'ensonga enkyayisa ekintu ekyo! Mukiraba? Mukiraba? Ky'ekyo. Si nze. Mulimu ekintu munda muno. Ekyo kye kintu ekyo. Kivuddeyo. Mukiraba?[Ekibiina kiddamu, "Amiina." — Omuk.] Mbadde buli kiseera nkyebalama. Mbadde sisobola kukiraba okutuusa kati; kaakati nkimanyi. Kiikyo awo. Omwoyo gwa Nikolayiti, ogwo Katonda Yagukyawa.

Era kaakano omwoyo ogwo gwagingira mu mubiri, era ne bagutikkira. Kiri wano wennyini, Bayibuli kye yagamba kye baligukola. Kituukiririra ddala. Oh, abange!

137 Ali mu mubiri! Yafuuka omuntu, olwo ne ba mutikkira.

Soma, weetegereze! Oba, manyanga, somayo, nga Danyeri bwe yagamba nti alyeddiza obwakabaka bw'ekkanisa. Wandyagadde okukisoma? [Ekibiina, "Amiina." — Omuk.] Tulina ekiseera okukikola, tetukirina? ["Amiina."] Kale. Wuliriza. Ka tuddeyo ku Danyeri, akaseera. Bikkulayo Ekitabo kya Danyeri, tusomeyo katono. era tetujja, ova oli awo kumala ddakiika ziwera kkumi-na-ttaano, ova abiri, ova asatu, ova bwe kityo. Si bwe kiri? ["Amiina."]

Kale tubikkule Danyeri, essuula 11, era ka tulabe olunyiriri lwa 21. Ono ye Danyeri, Danyeri wano ayogera ku musajja ono bw'ajja okuwamba.

Ne mu kifo kye muliyimirira omuntu anyoomebwa, (ayogera, ku Rooma), gwe batawanga kitibwa kya bwakabaka: (kati wekkaanye) naye alija mu biro eby'emirembe. . . mu biro eby'emirembe, era aliweebwa obwakabaka olw'okwegonza.

138 Ekyo kyennyini kye kikoleddwa! Danyeri kye yagamba omulabe wa Kristo ono ky'alikola. abantu balimulaba ng'asaanira. Yee, kiriba kigya—mu byetaago byabwe ebya leero, eby'amakanisa.

Kubanga, mu mulembe gw'ekkanisa guno, tebaagala Kigambo, Kristo, naye baagala kkanisa. Ekisooka, tebakubuuza ova oli Mukulitisitayo. "Oli wakkanisa ki? Kkanisa ki?" Tebaagala Kristo, Ekigambo. Genda, obabuulire ku Kigambo n'okwerongoosa, ekyo tebakyagala. Ekintu kye baagala kwe kweyisiza nga bwe baagala ate basigale nga balina ekkana ebawaako n'obujulizi. Olaba?

Olaba? Kale, ono yaatuukana ne bye beetaagira ddala. Ate, jjukira, oluvannyuma yayitibwa, "omukazi," mu Bayibuli, era yali malaaya ng'alina ne bawala be. Kituukaganira ddala n'ebbanja lya leero, abantu kye baagala. Bwe kiri.

139 Katonda Yakisuubiza. Ekigambo bwe kigaanibwa, olwo baweebwayo mu kwegomba kwabwe. Ka tusome Abasesalonika nate. Leka . . . Njagala mwetegereze wano akaseera katono. Ddala, kale, twakisomye, gye buvuddeko. II Abasesalonika 2:9-11. Kigamba nti bwe balikola. "Okukyama, n'okugaana Amazima, baliweebwayo eri omwoyo ogukyamya, bakkirize obulimba gubazikirize." Kati ekyo — ekyo Omwoyo Omutukuvu kye Yagamba.

Kati, ekyo ekkanaisa ennaku zino si ky'eyagala? [Ekibiina, "Amiina." — Omuk.] Gezaako okugamba abantunti balina okukola kino, kiri, ova ekirala, bajja kukubuulira mangu ago nti bo Bamethodist, Bapresbyterian ova n'ebirala, bo, "tebateekwa kugenderamu lyato lyo." Olaba? Mazima ddala. Ekyo kye baagala.

Era Katonda Yagamba, "Oba bakyagala, Ndibaleka ne bakifuna. Era Ndibakkirizisa nti ekyo ge Mazima, kubanga Ndibawa omwoyo ogukyamya okuva ku Mazima."

140 Kati laba wano, Bayibuli nayo, ky'egamba, "Nga Yane ne Yambere bwe baaziyiza Musa, kale nabo mu nnaku ez'enkomerero, n'omwoyo ogukyamya okuva ku Mazima; balifuula ekisa kya Katonda waffe obukaba, ne beegaana Mukama Katonda."

Kaakati mulaba gyekiri; Si Bakatoliki bokka, naye n'Abapolotesitante. Ekintu kyonna. Kizingiramu ebibiina by'ensi yonna ebitegeke. Oyo ye muvuzi w'embalaasi eyo enjeru, wansi wa —ekkubo lya — lya e — e — (njeru) ekkanaisa, entukuvu, olaba, naye mulabe wa Kristo. Kiteekwa okwefaananyiriza. So nga, ne ku mbalaasi, aba nga Kristo ajira ku mbalaasi. Olaba? Oh, omulabe, ng'afaanana nnyo okusobola okulimba omulonde! Wuuno wano. Ye mulabe waKristo.

Yatandika okuvuga mu mulembe gw'ekkanisa ogusooka. Kati yeeyongerayo ng'avuga, ng'ayita mubuli mulembe. Kale, mwetegereze.

141 Ogamba, "Kuvadda eyo, eyo mu kiseera ky'abatume?" Eyo yaliayitibwa "Nikolayiti". Kati olwo, mu mulembe gw'ekkanisa ogwaddirira, n'afuuka "enjigiriza" mu kkanisa. Mu kusooka, yali nga "njogera," olwo n'afuuka enjigiriza.

Abakukunavu, ab'ebitiibwa, abambadde obulungi, abaasoma ennyo, aba waggulu, teyayagala nneeyisa eyo mu kkanisa. Nedda, bo, "Tebaayagala bintu ebyo eby'Omwoyo Omutukuvu. Eteekwa kuba kkanisa! Era ffenna tujja kuyita mu by'Olukiiko Iw'eNikyeya, na byonna, e Rooma." Olwo bwe baatuuka eyo, baatwala ekkanaisa, baatwala obukaafiiri, Rooma Enkatolika . . . ova obukaafiiri, Rooma enkaafiiri, n'emizizozizo. Ne batwala — Atemi, "nnaabakyala w'eggulu," ne bamufuula Malyamu, omuzadde. Abafu ne babafuula okuba abawolereza, era n'ebirala.

Ne baddira akagaati ak'olububi akeetoolovu, era kebasembeza ne bakayita Omubiri gwa Kristo, kubanga ke kabonero ka nnyaffe ow'omu ggulu. "Omukatoliki bw'aba ayitawo, okuba akabonero k'omusaalaba. Kubanga, akaliro ako akaaka, ke kagaatia kafuuse Katonda, olw'amaanyi g'omusosodooti. Songa, kye kintu omutali wabula obukaafiiri obwerefere obweraga bwokka. Olaba? Ky'ekyo.

142 Sikitegeera butegeezi. Kale, yee, nkiraba. Yee, nkiraba. Yee, ssebo! Nkitegeera, lwa kisa kya Katonda. Mazima ddala.

Kati weetegereze. Oh, abange, basobola batya ekyo okukikola! Olaba? Era baweerreddwa okwegomba kwabwe. Nedda, ekyo bwe kiri, toteekwa kukikola. Nedda, ssebo. Bw'oba toyagala kukikola, towalirizibwa kukikola. Oba toyagala kukolera mu kkubo lya Katonda mu mpisa na byonna, n'okusinza, towalirizibwa kukikola. Katonda Tawaliriza muntu kukikola.

Naye ka mbabuulire. Erinnya lyo ova lyawandiikiba mu Kitabo ky'Omwan gw'Endiga eky'Obulamu nga n'emisingi gy'ensi teginnabaawo, ojja kusanya nnyo okukikola, toyinza kulinda bulinzi kukikola.

Labayo eno. Ogamba, "Ka nkutegeeeze, nze ndi munnaddiini!" Kale, ekyo kiyinza okuba ekituufu.

Laba, ani ayinza okugamba nti bakabona ate baali bannaddiini mu nnaku za Mukama Yesu? Ani ayinza okugamba nti Isiraeri tebaali bannaddiini, mu ddungu?

143 So nga n'okuba . . . "Kale, emirundi mingi Katonda Ampaddenga omukisa!"

Ddala, nabo, Yabawa. Tekyabeetaagisa na kukolerera bulamu bwabwe. Yabagabiriranga ng'Ayima mu ggulu. Kyokka Yesu n'agamba, "Bonna, buli omu, baafa era baazikirira."

"Bakitaffe," baagamba, "baalya emmaanu mu ddungu, emyaka ana."

Yesu Yagamba, "Era bona, buli omu, baafa, baayawulibwa obutaddayo nate kubeera ne Katonda." Mulaba? Yagamba, "Naye Nze Mmere ey'Obulamu, eyava mu Ggulu. Omuntu bw'alya ku mmere eno, talifa." Okiraba? Ye gwe Muti ogw'Obulamu.

144 Weetegereze engeri era na ddi Yesu Iwe Yajja. Bakabona abo, baavaayo, nga bannaddiini nnyo. Munnange, teri n'omu ayinza kugamba nti tebaali bantu balungi. Owange! Baatambulira ddala mu kkubo ly'amateeka. Buli kintu ekkanisa eyo kye yagamba, baakikola. Bwe bataakikolanga, baakubibwanga amayinja. Kyokka ye n'Afuluma . . . Omanyi Yesu kye Yabayita? Yokaana yabagamba, "Mmwe ezzadde ly'emisota mu ssubi! Temulowooza nti, olw'okuba muli ba kibiina gundi, n'olw'ekyo mulina enkolagana ne Katonda."

Yesu n'Agamba, "Mulina kitammwe, setaani." Yagamba, "Buli Katonda Iwe Yatuma nnabbi, kiki ekyaliwo? Mwamukuba amayinja ne mumuziika mu ntaana, ate ne muva awo ne muyooyoota entaana ye."

145 Ekyo si kye kimu Ekereziya Enkatolika ky'ekoze? Mulabe Joan ow'e Arc, ne Omutukuvu Patrick, era n'abalala bona. Bo bennyini be baabaziika. Ate ne baziikula omulambo gwa Joan ow'e Arc, ne bagusuula mu mugga, nga wayise ebikumi by'emyaka. Ate oluvannyuma ne bamwokya ng'omulogo.

"Muli ba kitammwe, setaani, era n'emirimu gye gye mukola." Ekyo ddala bwe kiri. Kijja kubuna ensi yonna. Olaba? Ky'ekyo! Ekyo Yesu kye Yagamba.

Kyokka ng'olowooza nti kirungi, kirabika bulungi, embalaasi eyo enjeru. Naye laba ky'ofunye. Ekyo ddala ky'ekyo ekigyebagadde.

146 Kale, naye Yagamba nti baakyagala, kwe kubawa emyoyo egikyamya.

Jjukira, malaaya ono owa Okubikkulirwa 17, oyo kye Kyama, "EKYAMA, BABULOONI, NNYINA W'ABENZI." Yokaana yamwewuunya obulungi bwe. Ddala ng'omusajja ono . . . Mulabeeyo, mulindeeko, tutuuke wano era tumweckaanye nga tutunuulira embalaasi eno wano. Olaba? Naye mukirabye ye yali . . . Kino kye kyaliwo, nti, "yamwewuunya n'okwewuunya kungi." Naye ekyama kyali, nti, "yanywa omusaayi gw'abajulizi ba Kristo." Wano we tulabira ekkanisa ennungi ng'enekedde mu kakobe ne zaabu, "era ng'alina ekikompe mu mukono gwe, eby'emizizo by'obukaba bwe."

147 Obukaba kye ki? Kwe kutambulira mu butali butuukirivu. Eyo y'enjigiriza ye gye yali ayigiriza. Ng'addiria Ekigambo kya Katonda ng'akifuula ekitalina maanyi n'ebimu nga "Mirembe Maria," n'ebirala byonna ng'ebyo by'ayigiriza, ne bakabaka b'ensi bayenda naye. "Kale," Ogamba, "eyo y'Ekereziya Katolika."

Naye ye yali "nnyna w'abenzi," olaba, ekintu kye kimu kye yali. Ky'ekyo.

Kiki ekyabaawo? Omuddaabuluzi bwe yafanga n'obubaka bwe ne bufa, oba- . . . Mwakitegeka, ne muteekamu "bakazannyirizi" (Rickys), olwo mu kyo, ne bakolamu ekintu eky'obulamu bwe mwayagala okubeera. Temwayagala kusigala na Kigambo. Mu kifo ky'okugenda mu maaso n'Ekigambo, baasigala awo, "Kino ky'ekyo." Huh! Kiri mmwe mukiveeko. Ekyo, ye ye, olaba, Oyo eyo!

148 Weetegereze, ekintu kimu. Twagala okukwata ku bintu ebiwerako nga tetunnaba kumaliriza. Ye mulangira; ow'okuzikiriza abantu ba Danyeri. Ekyo mukikkiriza? Kati, kino nngenda ku kikakasa, munnyambe mungumiikirizeeko eddakiika mbale, nja — nja kukikola mangu nga bwe nsobola. Naye njagala okukikakasa, kubanga nze . . . Omwoyo Omutukuvu, kino Yakimpa mu bukakafu bwennyini nga bwe nnyimiridde wano. Olaba? Olaba?

149 Kale laba, ka tuddeyo, emabega mu Danyeri nate, akaseera katono. Ndiko kye njagala okubasomera, eki . . . Naye ne bw'otobikkulayo, si nsonga. Njagala kusoma Danyeri 9, Danyeri 9. Era njagala nsome olunyiriri olwa 26 n'olwa 27 olwa Danyeri 9.

Ate era, wekkaanye, oba nga si y'alizikiriza abantu ba Danyeri, mu ekkyo ky'agenda okukola.

Era ssabbiiti nkaaga mu bbiri bwe ziriggwa, oyo afukibbwako amafuta n'alyoka azikirizibwa . . .

Olaba, ezo ze ssabbiiti enkaaga mu ebbiri mwalisalibwako okuva ku ssabbiiti ensanvu. . . . so taliba na kintu: n'abantu b'omulangira (awo we wali ekitibwa kye) alija (oyo alina okujja) balizikiriza ekibuga ne . . . awatukuvu; n'enkomerero ye eriba n'amataba, n'okutuusa enkomerero walibaawo entalo: okuzisa kwalagirwa.

150 Njagala okubaako kye mbabuuza mmwe. Yesu Kristo bwe Yasaribwako ku nsi, oluvannyuma Iw'emyaka esatu n'ekitundu egy'obuweereza Bwe, kiki ekyazikiriza Yeekaalu? Ani yagizikiriza?

Rooma! Mazima. Konsitantino oba . . . Nedda, munsonyiweko. Tito, omuduumizi Omuruumi, yazikiriza omulangira. Kati weetegereze. Wekkaanye, abantu bano, semberera ddala, wano.

151 Yesu bwe Yazaalibwa, ogusota ogumyufu ne guyimirira mu Ggulu okumpi n'omukazi, okumira omwana we nga yaakazaalibwa. Si bwe kiri? [Ekibiina kiddamu, "Amiina." — Omuk] yali ani, oyo eyagezaako okumira omwana eyaakazaalibwa? ["Rooma."] Rooma. Olaba? Ogwo gwe gusota ogumyufu. Oyo ye mulangira wo. Wano we wali ensolo yo. Olaba? By'ebyo, buli kimu, bye bimu ddala, olaba, " okumira omwana." Katonda Ya mukwatira mu ggulu n'Atuula ku Nnamulondo Ye. Eyo kati Kristo gy'Ali kaakano okutuusa mu kiseera ekigereke. Olaba? Kati, wekkaanye ky'agenda okukola.

152 Kati, oh, nzijkira wabaddewo gwe njogera naye wano. Oba abadde Ow'oluganda Roberson olwa leero, oba mulala gwe mbadde njogera naye, ku kino; si ku kino wano, naye kumpi ku kintu kye kimu. Nzirkiriza nakiyigirizaako wano, ennaku si z'ewala, ekirituuka ku Amerika, ku mbeera eno ey'eby'ensimbi. Olaba? Kale, kati tusasula amabanja g'emisolo egirisasulwa emyaka ana okuva kati. Bwe tutyo bwe twenkana okuba emabega. Wali otezeeko omukutu ku radio ogwo oguyitibwa KAIR, oba Lifeline, n'oguwuliriza, olaba, okuva e Washington? Kale, amabanja gatumaliddewo ddala. Ky'ekyo.

Nsonga ki? Zaabu yenna aterekeddwa, ate Abayudaaya be balina emigabo. Egenda kuba Rooma. Kati wekkaanye. Tumanyi bannannyini b'amaduuka amanene, naye Rooma y'alina ekitundu ekisingayo obunene ku bugagga mu nsi. Eksigaddewo, Abayudaaya be bakirina. Kati kino kyekkaanye. Kaakano wuliriza kino, ng'Omwoyo Omutukuvu bwe Yakindeetedde.

153 Era aliragaana endagaano enywevu n'abantu okumala ssabbiiti emu: (kati wekkaanye) ne mu kitundu ekya ssabbiiti alikomya ssaddaaka n'ekitone okukomya, . . . ne ku kiwaawaatiro eky'eby'emizizo kulijjirako oyo alisia, n'okutuusa byonna okutuukirizibwa, okwo kwe kwalagirwa, obusungu bulifukibwa ku oyo azisa.

Wekkaanye! Oh, nga mukujukuju nnyo! Wuuno ali wano. Kaakano, tufunye ekifaananyi kyaffe era tumanyi nti ye Rooma. Tumanyi nti y'oyo avuga embalaasi enjeru. Tukimanyi nti yatandika nga njigiriza. Kati olwo Rooma enkaafiri yaba etya? Yakyuka n'efuuka Rooma eya ppaapa, n'etikkirwa engule.

154 Kati wekkaanye, "Mu kiseera eky'enkomerero." Si mu nnaku ezaasooka Kristo ng'Abuulira, naye, "mu kiseera eky'enkomerero," ekitundu ekisembayo ku ssabbiiti, we twakakwata ku ssabbiiti ensanvu eza Danyeri. Kristo Alagudde okumala ebbanga lya myaka esatu n'ekitundu, wakyasigaddeyo emyaka esatu n'ekitundu ezaalagirwa. Si bwe kiri? [Ekibiina kiddamu, "Amiina." — Omuk] Era omulangira ono wa kukola endagaano n'abantu ba Danyeri, abo be Bayudaaya.

Kati mu kiseera ekkyo Omugole w'aggirwawo. Ekkyo tagenda kukiraba.

155 Weetegereze, mu kitundu kino ekisembayo ekya ssabbiiti ya Danyeri, abantu bakola endagaano bagikola. Omulangira ono akola endagaano ne Rooma, akola endagaano nabo, awatali kubuusabuusa akikola lwa bya bugagga, kubanga Abakatoliki n'Abayudaaya be balina obugagga bw'ensi yonna.

Naliko e Vatican. Nalaba engule ey'emitwe esatu. Nalina okukyalira Ppaapa; Baron Von Blumberg ye yakuntegekera, ku . . . Olwokusatu olweggulo ku ssaawa mwenda.

Bwe bantwala eri kabaka, baasalako eggemo ku mpale yange. Ekkyo kale. Bandagira obutamukuba mabega nga nvaayo. Ekkyo kale.

Naye ne nngamba, "Nngenda kukola ki mu maaso g'omuntu ono?"

Banngamba, "Kale, ggwe yingira ofukamire ku vviivi limu onywewere engalo ye."

Ko nze, "Ekkyo tekiyinzika. Ekkyo tekiyinzika. Nedda, ssebo." Ne nngamba, "Nja — nnyinza okuyita omuntu yenna muganda wange oyo ayagala okuba ow'oluganda. Nja kumuyita Reverend, oba ayagala

okuba n'ekitiibwa ekyo. Naye, okusinza omuntu, ekyo kyonna kya Yesu Kristo." Mukiraba? Nedda. Nedda, ssebo. Sinywegera mukono gwa muntu yenna bwe ntyo. Nedda, n'akatono.

156 N'olw'ekyo, ssaakikola.

Naye nalina okuyita mu Vatican. Kale, tosobola kukigula n'ebikumi n'ebikumi by'obuwumbi bwa ddoola. Kale, wandi . . . Era fumiitiriza, "Obugagga obw'ensi yonna," Bayibuli egamba, "bwasangibwa mu ye." Oh, lowooza ku bifo ebikulu, obuwumbi n'obuwumbi emirundi . . .

Lwaki Nnaakalyako-ani yatandikira mu Russia? Kinnumya n'olubuto, okuwulira ng'ababuulizi bangi bavumirira Nnaakalyako- ani, era n'okumanya tebamanyi kibaleekaanya. Ky'ekyo. Nnaakalyako-ani temuli kintu. Muggo buggo oguli mu ngalo za Katonda, okukangavvula ensi, olw'omusaayi gw'abatukuvu. Ky'ekyo.

157 Kati ng'ekkanisa emaze okuggibwawo, Rooma wamu — n'Abayudaaya balikola endagaano bokka na bokka. Bayibuli egamba baligikola, n'abatukuvu. Era kati weetegereze, baligikola kubanga (lwaki?) egwanga lino mu by'ensimbi lijja kugwa. Era n'amawanga gonna ageesigamye ku zaabu nago gajja kugwa. Ekyo mukimanyi. Oba kati tutambilira ku misolo egypt'amabanja, ge tulisasula, eyo mu myaka ana okuva kati, tuli ku ki?

Waliwo ekintu kimu ekiyinza okubaawo, ekyo, kwe kuzzaayo ensimbi, n'okusasula emisingo. So nga tetukisobola. Wall Street ye nannyinigyo, era Wall Street kifugibwa Bayudaaya. Egisigaddewo giri mu Vatican. Era Abayudaaya egisigaddewo gyabwe mu Wall Street, ne mu by'obusuubuzi bw'ensi yonna.

158 Tetuyinza kuzikomyawo.

Singa basobola okukikola, olowooza . . . bano bannannyini masogolero ga mwenge (Whiskey) ne — na bano abakola taaba, abalina obuwumbi emirundi buwumbi obwa ddoola buli mwaka, abeggyako emisolo gyabwe olw'ebifaananyi ebikadde eby'obugwenyufu n'ebiri ng'ebyo bagenda eyo mu Arizona, ne bagula obukadde bwa yiika z'amataka, oba enkumi n'enkumi, ne basima enzizi, ezo ennene eza ddoola 50,000.00, ne bazisasulira n'emisolo? Ate nga bakusiba bw'otosasula gugwo. Naye bagweggyako, ne bazikiriza enzizi ne basindikayo zikalakita ennene ezisenda ettaka. Era bakola ki? Bakolayo bizineesi za kuzimba mayumba, ate ekiddirira bakomawo, n'amagoba ge bakola. Bateekwa okuzikolamu ekintu. Ne bateekamu amayumba, ne bizineesi, ne bagatunda ddoola bukadde. Olowooza abantu bano bayinza okweddako ne bekkiranya, okukyusa ssente?

159 Ng'omusajja ono wano mu . . . Erinnya lye y'ani? Castro kye yakola. Ku olwo, yakola ekintu kyokka eky'amagezi kye yali akoze, bwe yaggyawo emisingo, yabasasula n'agiggyawo.

Weetegereze, naye ffe ekyo tetukisobola. Abantu bano tebajja kukiganya. Kya basuubuzi abagagga b'ensi.

Era waliwo eky'okukola kimu kyokka. Ekereziya Katolika y'eyinza okukisasula. Ye yokka erina ssente, esobola okukikola, era ejja kukikola. Era mu kukola kino, okukifuna, ejja kwekkiriranya n'Abayudaaya, ekole endagaano. Kati bw'erikola endagaano n'Abayudaaya . . . Kati, jjukira, kino nkiggya mu Byawandiikibwa. Era kati, kino bw'alikikola, n'akola endagaano eno, tukiraba, mu Danyeri 8:23 ne 25, "alitutumula ebikolebwa n'amagezi g'obwongo," era eby'amagezi ag'obwongo kwe kuweesa, "biri mu mukono gwe."

160 Era akola endagaano eno n'Abayudaaya.

Era, wakati mu myaka gino esatu n'ekitundu, amenya endagaano ye, amangu ddala ng'ekintu kino amaze okukizingako, ensimbi z'Abayudaaya n'azisibako. Kati ekyo bw'akikola . . . Oh, abange! Oh, abange!

Ayitibwa mulabe wa Kristo okutuukira ddala ku nkomerero y'omulembe gw'ekkanisa, kubanga ye ye . . . ye n'abaana be bakyawa Kristo n'Ekgambo. Omusajja ono y'ayitibwa mulabe wa Kristo.

Kaakano, agenda okwezza ssente. Era awo ndowooza w'aliyingiriramu. Lindako katono, bwe njogera bwe nti, olwo mba njagala kuddayooko mabega.

Ayitibwa mulabe wa Kristo, era aliyitibwa mulabe wa Kristo, mu maaso ga Katonda, okutuusa ku nkomerero. Kati, naye ku olwo aliyitibwa kintu kirala.

161 Kati, bwe yezza ssente zonna mu buyinza bwe, "olwo alimenya endagaano eno n'Abayudaaya," nga Danyeri bwe yagamba wano nti alikikola, "wakati w'ekitundu ekisembayo ekya ssabbiiti ensanvu," eza Danyeri. Kati olwo, ow'oluganda, alikola ki? Aliba alina obusuubuzi bwonna obw'ensi n'amaguzi, endagaano n'ensi, kubanga alifuga obugagga bw'ensi yonna, mu bujuvu. Era mu kiseera ekyo, bannabbi abo ababiri balisituka okuyita abo 144,000. Olwo kiki ekiribaawo? Akabonero k'ensolo aka Okubikkulirwa 13, kalitandika, kubanga afuga eby'amaguzi, eby'obusuubuzi, na buli kintu kyonna eky'ensi. Kati olwo kiki

ekiribaawo? Akabonero k'ensolo kalijja, nti, "Teri n'omu akkirizibwa kugula oba kutunda, okuggyako oyo alina Akabonero K'Ensolo." [Ow'oluganda Branham akonkonye ku kituuti emirundi esatu — Omuk.]

Katonda Yeebazibwe, Ekkanisa eriba eri ku mbaga ennene emyaka esatu n'ekitundu mu Kitiibwa. Ekyo tegenda kukiyyitamu.

162 Kati weetegereze, ku nkomerero, ku nkomerero y'emirembe gy'ekkanisa, ayitibwa . . . ye n'abaana be bayitibwa balabe ba Kristo, kuba buli kintu ekiwakanya Kristo, kyoleekanye na Kristo. Era buli kintu ekiwakanya Ekigambo kiwakanya Kristo, kubanga Kristo kye Kigambo. Kati ye mulabe wa Kristo.

Olwo mu Okubikkulirwa 12:7-9, Setaani alibaasuuliddwa ebweru, omulyolyomi. Ekyo mwetaaga okukiwandiika, kubanga njagala mukisome. Kati tetulina kiseera; buyise, ebula eddakiika 15 okuwera ennya, olaba. Naye mu Okubikkulirwa 12:7-9, "Setaani," omwoyo, "omwoyo omubi," oguli eyo kati, "omulyolyomi wa baganda baffe." Ky'ekyo.

Ekkanisa esitulibwa, era Setaani agoberwa bweru. Ekkanisa bw'erinnya, Setaani akka, olwo Setaani n'ayingira mu mulabe wa Kristo ayitibwa "ensolo."

163 Olwo, mu Okubikkulirwa 13, atekawo Akabonero. Olaba?

"Oyo aziyiza," okutuusa kaakano, Obukulisitaayo kye kyokka ekikyasigadde ku nsi mu bulungi bwakyo, kubanga, "Y'oyo aziyiza."

Jjukira emabega eyo mu Abasessaloniika, "Atudde mu Yeekaalu ya Katonda, n'okweyita ne yeeyita Katonda, asonyiwa ebibi ku nsi." era ekyo kijja kugenda mu maaso, "era obujeemu buliyinga obungi," n'okweyongerayo. Kubanga, tajja kumanyikirawo, okutuusa, entuuko ze ez'okubikkulwa.

Kati olwo Ekkanisa erisitulibwa. Bw'eritwalibwa, olwo alyekyusa okuva mu mulabe wa Kristo kati, oh, abange, "ekkanisa, ekkanisa eyo ey'ekitalo," Kati, afuuka "ensolo." Uh-huh! Singa kisoboka abantu ekyo nnandikibalaze!

164 Kati jjukira, omulabe wa Kristo n'ensolo gwe mwovo gwe gumu. Oyo ye tirinita. Yee, ssebo. Gye mitendera esatu egy'obuyinza bwe bumu obwa setaani. Jjukira, Nikolayiti, olaba, kyali kiteekwa okutuula mu muntu okusobola okutikirwa. Olaba? Kati, wekkaanye kino, emitendera esatu. Omutendera ogusooka, ayitibwa mulabe wa Kristo; omutendera ogwokubiri, ayitibwa nnabbi ow'obulimba; omutendera ogwokusatu, ayitibwa nsolo.

165 Weetegereze, Nikolayiti, enjigiriza y'omulabe wa Kristo eyo eyatandika mu nnaku za Pawulo, ng'ewakanya Ekigambo kya Katonda, mulabe wa Kristo.

Ate era, addamu n'ayitibwa, nnabbi w'obulimba. Ekyo, enjigiriza bwe yafuuka omuntu, yali nnabbi ow'enjigiriza ey'ebitiibwa, bya — ebitiibwa by'Ekereziya katolika. Ppaapa ye yali nnabbi eri ekigambo ky'obulimba, era ekyo kyamufuula nnabbi w'obulimba.

Omutendera ogwokusatu ye nsolo, omuntu atikkirwa engule mu nnaku ezisembayo, n'obuyinza bwonna Rooma enkaafiri bwe yali ebadde nabwo. Kubanga, ensolo ey'emitwe omusanvu, ogusota-, gwasuulibwa okuva mu Ggulu ne gutuula mu nnabbi ow'obulimba. Wano, yalina engule musanvu, era n'asuulibwa mu nsi ne ku nnyanja. Kale.

Kiki kye twogera? Omuvuzi ono ye ani? Ono omuvuzi w'embalaasi? Omanyi kye kitegeezza? Ye muntu nnaggwano owa Setaani.

166 Jjuuzi, nagenda n'ab'oluganda babiri abatudde wano mu kkanisa kati ow'oluganda Norman, nkakasa, ali mabega eyo, n'owooluganda Fred. Twagenda okuwulira omusajja ng'ayigiriza ku mulabe wa Kristo. Musajja mumanyifu, omu ku basingayo obulungi aba Assemblies of God be balina, okutaputa kwe ku mulabe wa Kristo kwali, nti, "bagenda kuggya ekirungo ky'omubiri (vitamin) mu — ky'omuntu, era bakisimbulize nga bakiggya mu muntu okukiteeka mu gufaananyi ogunene ogugenda okuteeke . . . lumu gumaamire ebizimbe by'ekibuga. Ate ekyo . . . Oyinza okufumiitiriza omuntu ajjudde Omwoyo Omutukuvu okubeera mu kulimbibwa ng'okwo, oba eyeebala okuba naye?

So nga, wano mu Bayibuli, eyogera ani omulabe wa Kristo. Si . . . muntu ddala.

167 Weetegere, omuvuzi ono si kirala wabula muntu nnaggwano owa Setaani, setaani atudde mu muntu. Muntu tuyigirize omukenkufo. Kati, nsuubira muteze amatu gammwe. Baagezesu omwana we omu ku ttivvi gye buvuddeko okulaba oba teyali mwogi okusinga addirira okuvuganya, ku bwa ppulezidenti. Mulaba? Naye, wadde biri bityo, alina amagezi mangi; nga Setaani bw'ali. Agezaako okugatunda. Yagaguzaako ku Kaawa, naffe n'agatuguza. Tubadde tunoonya musajja asukkiridde, tumufunye. Kale. Ensi yonna eyaayaana okufuna nnaggwano, era bajja kukifuna. Lindako okutuusa Ekkanisa Iw'erisitubwa, Setaani asuulibwe ebweru; alituula mu mubiri. Ekyo bwe kiri. Beetaaga omuntu ayinza okukolera ddala omulimu, era aligukola.

168 Omuyigirize, ono ye . . . nnaggwano wa Setaani, ng'alina obuyigirize, n'okubugunjufu, ng'alina n'ebigambo ebiyigirizibwa eby'eddiini, bye yekolera. Kati avuga embalaasi eno enjeru ey'ekibiina ky'eddiini, okulimba abantu. Era aliwangula buli ddiini yonna ey'omu nsi, kubanga bona bajja kwegatta mu — ekya . . . eky'amakanisa, n'ekibiina ekigatta amakanisa g'ensi yonna. Era bamaze okuzimba ebizimbe byabwe, na buli kintu kitegekeddwa bulungi. Tewasigadde kintu kirala kyonna. Buli kibiina kya ddiini kiyingiridde ddala mu kyo, mu kwegatta kw'amakanisa eky'ensi yonna. Era kiki ekiri emabega waakyo okukiwagira? Rooma. Kati Ppaapa ayogerera waggulu, "Ffenna tuli omu. Twegatte ffenna tutambulire wamu."

169 Era abantu bano, n'abamu ku mmwe aba Full Gospel, mwegaana, mulina okwegaana ezimu ku njigiriza zammwe ez'enjiri, okutwala eddaala ng'eryo. Kiki kye mukoze? Muzibidde ddala amaaso, ku kintu ekyo eky'ebibiina, mugaanyi Amazima. So nga Amazima galagiddwa mu maaso gaabwe, era bo — ne bagavaako, ne bagaleka. Kati mumaze "okuweebwayo eri obulimba obukyamya, okukkiriza obulimba bubazikirize." Ekyo ddala bwe kiri.

Omulabe wa Kristo akitwala kyonna. Era Bayibuli yayogera, nti, "yalimba bona," B-O-N-N-A, "bonna abali ku maaso g'ensi abataawandiikibwa mu Bubonero obwo okuva ku ntandikwa y'ensi." [Ow'oluganda Branham akuba mu ngalo omulungi gumu — Omuk.] Hum! Kati oba Bayibuli yagamba nti yakikola, yakikola.

Bagamba, "Kale, ndi wa ba . . ." Ky'ekyo. Mazima. Ekyo ddala bwe kiri. Kibiina kye kimu ekya malaaya. Kirina enkola y'emu eyasooka, ey'omulabe wa Kristo, awatali kuwunjawunja.

Nja kubabuuza ku kino, naye ago . . . Ago ge Mazima. Kye nsuubira. Amiina.

170 Kaakati, weetegereze, aliwangula. Era kumpi akirina mu ngalo ze na kati, naye akyali mulabe wa Kristo, nga tannafuuka nsolo. Oyogera ku kibonerezo ekikambwe? Lindako. [Ow'oluganda Branham akonkona ku kituuti emirundi ena — Omuk.] Tunuulira abo abasigalawo wano ku nsi kye baliyitamu. Hu-huh. "Walibaawo okukaaba, n'okusinda, n'okuluma obugigi. Kubanga ogusota, Rooma, guwandudde omugga okuva mu kamwa kaagwo, okukola olutalo n'abasigaddewo ab'oku zzadde ly'omukazi, abaasigala ku nsi oluvannyuma Iw'okulondebwa kw'Omugole n'okusitulibwa. Era ogusota ne gulwana n'abaasigalawo, tebaayagala kukiyingira, era ne bayiggibwa.

Ne Ekkanisa yennyini entuufu ekyo yandikiyiseemu singa kyali kiyinzika; naye, laba, bawangulidde wansi w'Omusaayi guno, olw'ekisa kya Kristo, era tesobola kuyita mu kibonyoobonyo kyonna. Tebalina kiseera kya kibonyoobonyo. Ekintu ekiddirira eri Ekkanisa kwe kukwakkulibwa. Amiina, era Amiina! Kino kijja kugenda mu maaso.

171 Oh, nga kino nkyagala! Ka mbabulire. Twogera nku muwangizi kyagenda okukola, era ddala agenda kuwangula. Amaze okukikola. Kimaze okulukibwa, ky'ekyo; agenda kukiruka na ssente, obugagga obubi. Ky'ekyo ddala. Baagala ssente okusinga Katonda. Kati buli kintu kye balowoozaako, "alina ssente mmeka?" Kiki ekyo?

Omanyi, kyogeddwako, emirundi mingi, "Ekkanisa giwe ssente, ejja kukyusa ensi. Ekkanisa giwe ssente, ejja kutuma ababuulizi mu nsi yonna. Era kiki ky'enaakola? Ejja kuwangula ensi egizze eri Kristo."

Ka nkubuulireko, mukwano gwange, omuzibe w'amaaso. Ensi tewangulwa na ssente, wabula na Musaayi gwa Yesu Kristo. Katonda muwe omuntu omuvumu, ayimiridde ku Kigambo, kufa na kuwona; ajja kuwangula. Uh-huh. Ekintu kimu kyokka ekijja okusobola okuwangula, abo abalina amannya gaabwe agawandiikiddwa mu Kitabo ky'Obulamu eky'Omwna gw'Endiga okuva ku ntandikwa y'ensi. Ekyo kye kyokka ekijja okukiwulira. Ssente tejja kusobola kukikola; zija kubongerayo buziba mu bulombolombo bwa bibiina bya madiini.

Ka tulabe.

172 Yee, aliba mukenkufu, mu buyigirize. Aliba mugezi. Abange, abange, abange! N'abaana be bona abamwetoolode baliba bagezi, zi Ph.D., LL.D., zi LL.D., Q.S.D., A.B.C.D.E.F. okutuukira ddala ku Z. Zonna baliba nazo, bagezi. Lwaki? Ntegeka ya Setaani. Buli kakodyo konna akalwanyisa Bayibuli ka Setaani.

Ako kennyini ke yayitamu okuwangula Kaawa. Kaawa yagamba, Oh, kyawandiikibwa, Katonda Yatugaana okukikola."

Yagamba, "Naye, lindako. Mazima Katonda Tajja kukikola. Naye nja kuzibula amaaso go, nkuwe amagezi." Yagafuna.

Tubadde tuganoonya. Era naffe, tugafunye, eggwanga lino.

173 Weetegereze, aliwangula ensi yonna ey'eddiini. Aliwangula, akole endagaano n'abantu ba Danyeri. Wano, kizingiramu Ab'amawanga n'abo abantu ba Danyeri, Abayudaaya ba ssabbiiti ezisembayo. Era kye kino, kikubiddwa ne ku mbaawo. Era mukirabye, bulungi, ky'ekyo. Katonda Yeebazibwe. Y'oyo. Entegeka eyo ey'ebibiina by'amadiini ya setaani. Kati ekyo nngenda kukinenyeza ddala, bulambalamba. Olaba?

Ddala. Ogwo mulandira gwa setaani. Ye . . .

Kati, si gwa bantu, si bantu abakirimu. Bo bantu ba Katonda, bangi ku bo. Naye, omanyi, bwe tutuuka wano, ng'amakondeere gafuuyibwa; era, lwe tulikisanga, amakondeere gano gafuuyibwa. Era jjukira, bamalayika abo, abasembayo bwe . . . Malayika owookusatu yajja, "Mukifulumemu, abantu bange!" Malayika oyo w'abuukira, mu kaseera ako kennyini Obubaka obwo butuuka olw'akagombe akavannyuma, Obubaka obwa malayika asembayo, Akabonero akasembayo kabembulwa. Byonna bijjira mu kiseera kimu. Yee, ssebo. Kyonna kizingirako ddala byonna ne kigendera ddala mu Butakoma.

174 Kati kiba kitya? Mu kaseera kennyini omusajja ono ng'agenda awangula . . . Nngeda kumaliriza. Olwo Katonda Alibaako ky'Akola, naye. Ka tuleke kuwaana nnyo Setaani wano. Mulaba. Tuleme na kumwogerako, ffenna awamu. Olaba? Ekintu kino ekikulu nga kikyagenda mu maaso eyo, enkola eno ey'ekitalo ey'okukunngaanya ebibiina by'amadiini bino, mu kwegatta, basobole okwekunngaanya okulwanyisa Nnaakalyako-ani, nga tebamanyi nti Katonda Yagolokosa Nnaakalyako-ani okubawangula. Mazima ddala.

Kiki — kiki — kiki ekyagolokosa Nnaakalyako-ani mu Russia? Lwa bulyake bw'Ekereziya y'e Rooma ne endala zonna. Baatwala buli kasente konna akaali mu Russia, abantu ne bafa enjala, ne batabawa kantu konna, mu kifo ky'okubeera mu bulamu, ng'abalala bona mu nsi.

175 Ebbanga si ddene, naliko mu Mexico, ne ndaba abaana abo abanaku. Teri ggwanga lya Bakatoliki lyemalirira. Teriyo n'erimu. Mpaayo limu. Mundage wa gye liri. Buli ggwanga erifugibwa Abakatoliki teriyinza kweyimirizaawo. Bufalansa, Italy, n'amalala gonna, Mexico, buli woolaga, tebeeyimirizaawo. Lwaki? Ekereziya yabaggyako buli ke balina. Eyo y'ensonga Russia kye yava ebafuumuula.

176 Wekkaanye ekyabaawo.

Kino, nkimanyidde ddala nze. Naliko eyo. Era ng'olowooza jjubiri y'emyaka ataano yali agenda mu mu maaso, okuwulira ebide nga bivuga. Era wano bambi, akakazi katambulira ku nguudo z'ekibuga, nga kawalabuka ku bigere. Ate nga kitaawe w'abaana asitudde omuto; ate babiri oba basatu, nga bakaaba. Omukazi yali akola kibonerezo ku lw'omukazi omu eyabafaako. Yamulinanga . . . Nga balowooza nti ajja kugenda mu ggulu, bwe bakola batyo. Oh, nga kya kusaalirwa!

Olwo ne ndaba, nga nnyimiridde awo, ne wajja . . . Eby'enfuna byabwe bigalangatanye ennyo! Ekereziya ebaggyako buli ke balina. Wano, ka Pancho, oba —oba Pancho Frank. Aserengeta, muzimbi azimbisa matoffaali, era ng'akola — akola pesos 20 buli wiiki, kyokka nga kijja kwetaagisa pesos ezo abiri zonna, okumugulira omugogo gw'engatto. Bwe bityo eby'enfuna byabwe bwe bifaanana. Naye kati, wano, ali ku ki—bw'aba ye, nga muzimbi azimbisa amatoffaali, era katugambe, ng'akola pesos abiri mu wiiki. Simanyi ky'afuna, naye ka tugambe mu mbalirira ng'eyo engeri gy'etambulamu.

177 Weetegereze, kati, bw'aba ng'afuna pesos 20 buli wiki.

Awo Chico n'ajja, olaba, ekitegeeza "omuto," ye akolera pesos nga 5 buli wiiki. Kyokka ng'alina abaana nga kkumi abookuliisa, ate ng'eriyo omuntu ajja okukonkona ku luggi lwe, [Ow'oluganda Branham akonkona ku kituuti emirundi egiwerako — Omuk.] okusoloza pesos nga ttaano, oba nnya ku ezo, mu buli ngeri okugula omusubaawa okwakira ku woolutaali eya zaabu egula akakadde akalamba aka ddoola olw'ebibi bye. Ky'ekyo. Bwe bityo eby'enfuna byabwe bwe bifaanana. Eyo y'embeera ensi zaabwe gye zirimu.

Ekintu kizitwala zonna. Ekereziya zonna ezitwala.

178 Kati amaze okukifuna mu mikono gye. Ky'ekyo. Omukazi oyo, ng'alina ssente z'Abayudaaya, mu ndagaano eyo, nga Bayibuli bwe yagamba, kyonna balikyezza.

Olwo afuuke ensolo. Amenye endagaano ye, aliise maanyi. Ataaaguletaagule ab'oku zadde ly'omukazi abaasigalawo, mu ngeri eyo. Era awandule omugga okuva mu kamwa ke; alwane. Era walibaawo okukaaba, n'okusinda, n'okuluma obugigi.

Mu kiseera kye kimu, Omugole afumbirwa, mu Kitiibwa, olaba. Ab'emikwano, temukisubwa. Katonda nnyamba! Nze — njagala mbeereyo. Sifaayo kye kirintwalira. Nze — njagala mbeereyo.

179 Kati, weetegereze, mu kaseera ke kamu kino nga kigenda mu maaso, manyanga kino nga kinaatera okubaawo, ku nsi, Katonda Asuubizza . . . nga emivuyo ego gyonna egy'ebibiina by'amadiini, bali mu mpaka ku njawulo z'enzikiriza zaabwe, Katonda Yasuubiza nti Alitutumira nnabbi ow'amazima ow'Ekigambo ekituufu, n'Obubaka; okukomyawo Ekigambo kya Katonda, era "n'okukkiriza kwa bakitaffe," okuleeta wansi amaanyi g'Omwoyo Omutukuvu mu bantu, n'amaanyi agalimuyimusa asukke ku bintu bino era gamuyingize, mu kiseera kye kimu. Yee.

180 Ekigambo kye kimu nga kikakasiddwa, ekya Yesu Kristo, nti y'Omujjo, leero, n'emirembe gyonna! "Laba, Ndi nammwe ennaku zonna, okutuusa ku nkomerero. Era emirimu gye nkola nammwe muligikola.

Ndibeerera ddala wamu nammwe. Akaseera katono, nga tebakyandaba," kubanga balyekolamu ebibiina ne basaasaana. "Naye mmwe mulindaba, kubanga Ndiba nammwe. Era Ndibeera mu mmwe, okutuusa ku nkomerero." Kubanga, Yagamba nti obusungu bwe buliba bufukibwa oluvannyuma Iw'enkomerero. Ky'ekyo. Ayi Katonda!

Ani oyo omuvuzi w'embalaasi enjeru? Toli muzibe. Otegeera ky'ali. Y'oyo omulabe wa Kristo, era gwe mwoyo ogwo ogw'obulimba ogugenze kati ne gusensera.

181 Kyakolebwa . . . Kati, olwo, olaba, Katonda Akiddinngana. Awo Yalaga ng'omusajja atambulira ku mbalaasi njeru, n'omutego gwe nga talina busaale. Aguumaaza bugumaaza. Talina maanyi. Ogamba, "Amaanyi g'ekkanisa!" Gali ludda wa? Bakola ki? Bagamba, "Ffe kkanisa eyasooka." Ekkanisa eyasooka yagoba emizimu, yawonya abalwadde, era n'ezuukiza abafu, yalabanga okwolesebwa, n'ebirala byonna. Kati eri ludda wa? Olaba? Kuguumaaza bugumaaza, omutego okutali kasaale. Huh! Ekyo bwe kiri.

182 Naye, olaba, Kristo bwe Yajja, Ekitala kyava mu kamwa ke, ng'akamyanso k'eraddu. Kyagenda ne kizikiriza abalabe Be, ne kigoba Setaani. Kyasala buli kintu kyonna ekirala. Ye n'Avaayo, ekyambalo Kye nga kibunye omusaayi, ne ku kisambi Kye nga kuwandiikkidwako, "Kigambo kya Katonda." Amiina. Wano n'Afuluma, n'eggye Lye, ng'Ava mu Ggulu.

183 Omuvuzi oyo ow'embalaasi enjeru abadde mu nsi ebbanga lyonna. Ajja kukyuka okuva okuba mulabe wa Kristo. Ekyo akikola, n'afuuka nnabbi ow'obulimba. Olaba, okusooka, yatandika nga omulabe wa Kristo, omwoyo; olwo, n'aba nnabbi w'obulimba; Ate oluvannyuma, setaani ng'agobeddwa, olwo n'ayingira mu mubiri nga setaani. Emitendera esatu! Okusookera ddala, abeera setaani, mu kusooka, omwoyo gwa setaani; olwo n'afuuka nnabbi ow'obulimba, omuyigiriza ow'enjigiriza enkyamu; ekiddako, ajjira ddala nga setaani yennyini, mu mubiri. Mukiraba? Y'oyo.

Mu kiseera kye kimu setaani ono ky'agwirako okuva mu Ggulu n'ayingira mu muntu, Omwoyo Omutukuvu Addayo ate n'Akomawo ng'Ali mu mubiri. Amiina. Oh, abange! Nga kiseera kya kitalo!

184 Olunaku Iw'enkyo, Katonda ng'Ayagadde, Kabonero kaakubiri.

Mumwagala? [Ekibiina kiddamu, "Amiina." Ow'oluganda Branham asiriikiriramu — Omuk.] Kaakati, mukikkiriza? ["Amiina."]

Olutambi nduggyeko. Nngenda kuluwuliriza. Mukimanyi, mulaba. Naye bwe nkisuubira.

Ow'oluganda, ka mbeeko kye mbagamba. Naakakitegeera, era gwe mulundi ogusoose mu bulamu bwange, Iwaki Omwoyo Oyo Andabuddenga okubyewala ebyo ebibiina by'amadiini.

185 Neebaza Mukama Katonda olw'okundaga ebintu bino. Mmanyi nti ago ge Mazima. Ky'ekyo, kibikkuddwa awo wennyini. Wano avuga ng'ayita mu mulembe ate n'agufulumamu wano ne yeeraga okutuukira ddala wano mu butuufu ddala nga bw'ayinza okuba. Mukiraba, Y'oyo. Kati tetukyalimbibwa ku ekyo. Kati amaaso gammwe gazibuse. Ebintu ebyo ebifaanana bwe bityo mubyewale. Yagala Mukama n'omutima gwo gwonna, era signalira ddala naye. Yee, ssebo. Fuluma Babulooni!

[Ebbanga ejjereere ku lutambi—Omuk.] Ebintu biri bisatu: okukakasibwa Ekigambo, ne kiragibwa mu kifaananyi, ne kirabisibwa n'ebikolwa eby'Omwoyo, nga kyoleka nti kye Kigambo.

Mukama, nsaba Ekigambo kikke kubutambaala buno. Wonya abalwadde. Mukama, wonya buli mulwadde yenna ali wano, n'abo abali eyo abaawandiise n'abaakubye amasimu.

Kitaffe, ku ssaawa eno, waliwo okuwonyezebwa okulala wano kati okwetaaga okubaawo, olwo tulyoke tugende mu lukunngaana olw'okuwonyezebwa. Naye, Mukama, mmeeme eyo, gye twetaaga okutereza, Mukama. Era ebintu bino biteekeddwa okujja.

Katonda, tukusaba, okkirize ebigambo bino bye twogedde, obifuule ebyannamaddala eri abantu. Mukama, nsaba babirabe. Kitange, era, omanyi, banyigiriziddwa ebbanga, bingi ebyogeddwa n'olw'ekyo nsaba nti Omwoyo Omutukuvu akitwale akibikkulire mu mitima gyabwe. Abo abawandiika Ebyawandiikibwa, nsaba babyekenneeny. Abo abawkata entambi manya— manya - abawuliriza entambi, nsaba bazitegeere; kati baleme okuteekamu okuvvuunula kwabwe, naye bayige buyizi Kigambo. Kitange, kikkirize. Mu Linnya IyaYesu, mbiwaayo byonna gy'oli, n'olw'ekitiibwa kyo. Amiina.

[Ow'oluganda alagula. Ekibiina kisanyuka — Omuk.] Amiina. Oh, Weebale nnyo! [Ekibiina kyeyongera okusanyuka.] Oh!

Bwe wabaawo omuntu yenna wano atamumanyi, nga weenenya, kikole kati. Wulira okunenyezebwa okwo okukulu. Bw'oba nga wali oyagaddeko okumuseemberera, kikole kati, kubanga ennaku ziweddeyo.

Watya nga okwo kwe kwali okubembulwa kw'Akabonero? Watyanga oyo ye Malayika eyatumibwa, eyammegga (kumpi) ku ttaka, jjuuzi, bwe nnalinga nnyimiridde eyo, nga n'abajulizi abasatu baali awo.

Nnabagamba bwe nnali sinnaba kugenda nti, "Waliberawo okubwatuka kumpi okulinsitula mu bbanga." Nnasituliba Bamalayika musanvu, abaava ebuvanjuba. Ekintu bwe kyanjuugumya.

Ekyo bwe kiri, ow'oluganda Norman, ne ow'oluganda Fred Sothmann, mmwe abaali bayimiridde nange ekyo bwe kyabaawo, e Tucson? Kati e — e . . . Nga ndi awo, nga neekongolako muwugula ku ngoye zange, era kyali ddala ng'okwolesewa bwe kwali. Kyava bukiika ddyo bwa . . . nga kyolekedde Tucson. Ekyo bwe kiba nga bwe kyali, muwanike ku mikono gyammwe, ow'oluganda Fred, n'ow'oluganda Norman. Baabo. Muyimirire, abantu basobole okubalaba nti mwaliyo, ng'abajulizi. Sibangako na kintu ng'ekyo, mu bulamu bwange.

Kati, amangu ddala, tebaayinza kuyigga, ekiseera ekyali kisigaddeyo. Amakya agaddirira, neegayirira Fred. Kino takimanyi. Namwegayirira okuddayo okuyigga, naye yanngambanga, "Kikole. Kikole."

Wabula Yagamba, Yakinngamba edda eyo, nti "Talikikola. Ggwe ogenda buvanjuba, katikati."

Bamalayika abo omusanvu! Okubwatuka okwasooka, yakabembula. Yee. Watya oba ky'ekyo? Tuli mu ssaawa esembayo. Mukiraba?

Njagala . . .

Ka tumusinze.

Mmwagala

Kubanga ye yasooka okunjagala

Ka tuyimirire.

N'angulira obulokozi

Ku muti e Kalivaaliyo.

Ab'oluganda, kati ka tulongoose emitima gyaffe, nga bwe tukoteka ku mitwe gyaffe. Bannyinaze, njogezza kkabyo gye muli, naye nkikoze olw'okwagala okw'obwakatonda. Nkikoze kubanga mbaagala; ku ky'okuba n'enviiri empanvu, n'okwambala, n'okweysa obulungi. Nkikoze olw'okwagala okw'obwakatonda. Ka tulongoose endowooza yaffe kaakati nga - ng'ekiggyamu amabala kya Katonda kikyaliwo.

Enkyo, osanga bunaaba buyise. Ayinza okujja leero. Ab'oluganda, ebintu bino ebijja bwe biti, kyandiba nga y'enkomerero ya woofiisi y'omutabaganya. Ekyo mwali mukirowoozezzaako? Kale, siki manyi. Sigamba nti ky'ekyo. Naye watya nga ky'ekyo? ku kyo kiri kitya? N'olw'ekyo obununuzi buba tebukyaliwo; mu kiseera ekyo, nga bukomye. Ka nsuubire nti si ky'ekyo, naye waliwo obusobozi bw'okuba kyo.

Mmwagala, nze . . .

Mukama, tutukuze. [Ebbanga ejjereere ku lutambi — Omuk.]

. . . gala

Kubanga ye yasooka okunjagala

N'angulira obulokozi

Ku muti e Kalivaaliyo.

Erinnya lya Mukama lyebazibwe! Ekitiibwa kidde eri Katonda! Njagala okukomebwako okwo okulungi. Ekyo temukiyulira? Omwoyo Omutukuvu, nga, akumaamidde, ng'otambulatambula naye. Oh, nga kya kitalo. Oh, lowooza ku kusaasira kwe!

Mmwagala, mmwagala

Kubanga ye yasooka okunjagala

N'angulira obulokozi

Ku muti e Kalivaaliyo.

Mikwano, temukyerabira. Temukyerabira. Mugende nakyo eka. Musigale nakyo. Kikwatire ku katto ko. Tokyerabira. Sigala nakyo. Kati Mukama abawe omukisa.

Ow'oluganda Neville, omusumba wammwe.



www.messagehub.info

Byabuulirwa

William Marrion Branham

"...mu nnaku z'eddoboozi..." Kub. 10:7